

14

14

社121
673
都大:15

14

14

14

14



文獻通考卷第四十七



鄱 陽 馬 端 臨 貴 與 著

職官考一

官制總序

伏犧氏以龍紀故為龍師名官師長也龍化為青龍夏

官為赤龍秋官為白龍冬官為黑龍中官為黃龍張共

晏曰庖犧氏將與神龍負圖而至因以名師與官也共

工氏以水紀故為水師水名者共以受水瑞故水名官州

神農氏以火紀故為火師火名火德也故為炎帝春官

官為西火冬官為北火中官為中火也黃帝雲師雲名神農有火星之瑞因以名師與官也

黃帝受命有雲瑞故以雲紀事春官為青雲夏官為赤

雲秋官為白雲冬官為黑雲中官為黃雲也黃帝有景

乾隆十二年校刊

職官一

雲之應因以少皞摯之立也鳳鳥適至故鳥紀為鳥師

而鳥名鳳鳥氏歷正也鳳鳥知天時故元鳥氏司分也

元鳥燕也以春伯趙氏司至也夏至鳴冬至止青鳥氏

司啓也青鳥鶡鶩也以立春丹鳥氏司閉也也丹鳥鶯雉

來立冬去入大水為蜃祝鳩氏司徒也祝鳩鳩孝故為司徒

以上四鳥皆歷正之屬別故為司馬主法制鳩鳩氏司空

主教鳩鳩氏司馬也鳩鳩鳩鳩王鳩也摯而有鳩鳩氏司空

也鳩鳩鶡鶩也鳩鳩鳩鳩音均故為司空爽鳩鳩氏司寇也爽

鷹也摯故為鶡鶩氏司事也鶡鶩鶡鶩音菊鶡鶩鶡鶩音骨鶡鶩音陟交

司寇主賊盜鶡鶩鶡鶩氏司事也鶡鶩鶡鶩音菊鶡鶩鶡鶩音骨鶡鶩音陟交

反似山鵲而五鳩鳩鳩民者也鳩聚也治民尚五雉為五

工正五雉雉有五種西方曰鸛雉伊洛之南方曰鸛雉南利器

用正度量夷民者也夷平九扈為九農正使扈止也止人

扈有九種春扈鶡鶩夏扈切元秋扈切藍冬扈切黃棘

扈切丹行扈喙喙宵扈噴噴桑扈切脂老扈鷓鷓以九

也鷓音勅倫反喙子夜反噴壯革反自顓頊以來不

能紀遠乃紀於近為民師而命以民事始不能致遠瑞

此郊子對魯昭公之辭仲尼聞之曰吾聞之又有五行

之官是謂五官社稷五祀是尊是奉其業者死配食於

五行之神為春官木正曰勾芒正官長也取木生勾曲

夏官火正曰祝融祝融明貌也秋官金正曰蓐收秋物

而可收也冬官水正曰元冥水陰而幽冥其中官土正

其祀該也曰后土土為羣物主故稱后也其祀勾龍唐堯之代命

乾隆十二年校刊

職官一

二

羲和欽若昊天歷象日月星辰敬授人時重黎之後羲氏和氏世掌

天地四時之官故堯命之使敬順昊天昊天言元氣廣大星四方中星辰日月所會歷象其分節敬記天時以授人也此舉其

分命羲仲宅嵎夷曰暘谷宅居也東表目下別序之

暘明也日出於谷而天下明故稱暘谷寅寅出日平秩

東作寅敬寅導秩序也歲起於東而始就耕謂之東作寅東方之官敬導出日平均次序東作之事以務農也

申命羲叔宅南交申重也南交言夏與春交舉一隅以明之此居治南方之官

秩南訛敬致訛化也掌夏之官平序南方化育之事敬行其教以致其功四時同之亦舉一隅

分命和仲宅西曰昧谷昧冥也日入於谷而天下冥故曰昧谷昧谷曰西則嵎夷東可知此居治西方之

寅餞納日平秩西成餞送也日出言導日入言送因

申命和叔宅朔方曰幽都平在

事之宜秋西方萬物成

平序其政助成物也

朔易北稱朔亦稱方言一方則三方見矣北稱幽則南稱明從可知也都謂所聚也易謂歲改易於北方

和敬順昊天此分則能治百官衆功皆廣歎其善

熙允信釐治工官績功咸皆熙廣也言定四時成歲

有百揆四岳四岳分主四方諸侯者也周禮正義曰四岳者謂之四伯至其死分岳事置八伯皆王官其八伯唯驩兜共工放齊鯀四人而已餘四人無文可知故

書傳云惟元祀巡狩四岳八伯堯始以羲和為六卿春

夏秋冬者并掌方岳之事是為四岳出則為伯其後稍

死分置伯以鄉遂之吏主之四岳之外更有百揆之官者

不置伯以鄉遂之吏主之四岳之外更有百揆之官者但堯初天官為稷至堯試舜天官之任外有州牧侯伯謂之百揆舜又命禹為百揆皆天官也

外置州牧十二及五國之長

乾隆十二年校刊

職官一

三

官所治者民事也太古法制簡畧不可得而詳知然以輕傳所載考之則自伏羲以至帝堯其所命之官大率爲治歷明時而已蓋太古洪荒步占之法未立天道幽遠非有神聖之德者不足以知之而位天地育萬物定四時成歲功乃君相職業一大事月令其帝太皞其神勾芒鄭氏注以爲此蒼精之君木官之臣自古以來著德立功是也蓋此數聖人者生則知四時之事歿則爲四時之神然太皞炎帝少皞顓頊所歷者四時而勾芒祝融蓐收元冥后土則顓頊之時始有此五人者並世而

生能任此五官之事至帝堯時則占中星之法置閏餘之法漸已著明然其命官猶以羲和爲第一義自是四子之後世守其法居其官至舜攝政之時雖以在璿璣玉衡齊七政爲首事然分命九官則皆以治民而未嘗及天事蓋累聖相承其法至堯而備世官自足以掌之不必別求賢哲之輔以專其任也三代官制至周而尤詳然觀成王所以命官若三公三孤則僅有燮理陰陽寅亮天地二語爲天事而冢宰以下俱民事也然尚承襲上古之官名而所謂六官則天官掌治地官掌教春官

掌禮夏官掌兵秋官掌刑冬官掌土畧不及天地
 四時之事至於馮相氏保章氏挈壺氏則不過三
 百六十屬吏之一蓋至是而治天事之官事采易
 而秩采卑矣

虞舜有天下以伯禹作司空使宅百揆禹代鯀為崇伯入為天子司空

治洪水有成功言可用之棄后稷播百穀契作司徒敷五教布五常

皋繇作士正五刑土理獄官垂作共工利器用垂臣名共謂供其百工職

事伯益作虞育草木鳥獸虞掌山澤之官伯夷秩宗典三禮秩

宗尊也三禮天地人夔典樂教胄子胄長也謂元子以下至卿大夫子弟

以歌詩蹈之舞之教長和人神命夔使龍作納言出納

帝命納言喉舌之官聽下言納於蓋亦為六官以主天

地四時也崔靈恩曰自顓頊以來命南正重司天北正

唐堯受之乃置天地四時之官命羲和之後使復舊職

而掌天地之事又分命羲仲羲叔和仲和叔使主四時

為六卿之任及其末年舜攝百揆改地官為司徒秋官

若昊天分命和仲和叔等使主四時之事又云百姓不

親五品不遜契為司徒敬敷五教地官之事也臯繇作

職也伯夷為秩宗典朕三禮此春官之所司也又周禮

正義曰稷為天官義夏后氏之制亦置六卿甘誓曰乃

也其官名次猶承虞制禮記曰夏后氏官百天子有三

士殷制天子建天官先六太曰太宰太宗太史太祝太

士太卜典司六典

典法也此蓋殷時制也周制太宰為

職官一

五

乾隆十二年校刊

以下屬焉太天子之五官曰司徒司馬司空司士司寇

士以神仕者馬衆謂羣臣也此亦殷時制也周制司士屬司

典司五衆馬太宰司徒宗伯司馬司寇司空為六官

天子之六府曰司土司木司水司草司器司貨典司六

職府主藏六物之稅此亦殷時制也周制皆屬司徒司

器角人也司貨非天子之六工曰土工金工石工木工

獸工草工典制六材此亦殷時制也周制皆屬司空土

石工玉人磬人也木工輪輿弓廬匠車梓也獸工函鮑

韞韋裘也唯草工職亡蓋謂作荏葦之器韞音吁援反

旄音方五官致貢曰享貢功也享獻也致其歲終之功

往反百官府各正其治受其會於王謂之獻也太宰歲終則令

聽其致事而詔王廢置也五官之長曰伯謂為三公也

伯千里之內為王畿千里之外設方伯五國以為屬屬

有長十國以為連連有帥三十國以為卒卒有正二百

一十國以為州州有伯屬連卒州猶聚也伯帥正亦長

長曰伯虞夏也凡長皆因賢侯為之殷之州

及周皆曰牧八州八伯五十六正百六十八帥三百三

十六長八伯各以其屬屬於天子之老二人分天下以

為左右曰二伯老謂上公周成王既黜殷命參考殷官制為

周禮以作天地四時之名謂之六卿改太宰為天官冢

伯司徒為地官司馬為夏官宰太宗為春官宗

司徒掌邦教春官宗伯掌邦禮夏官司馬掌邦政秋官

司寇掌邦刑冬官司空掌邦事六官之職皆總屬於冢

總已以聽於冢宰爾雅曰冢大也宰故論語曰君薨百官

乾隆十二年校刊

文獻通考卷四十一 職官一

六

崔靈恩曰王者之興須變人情歲終天子齋戒受諫當

必有改官之禮周禮所以興也質猶平也百官齋戒

改爲六卿以百官之成質於天子平其計要制國用自

受質受平報也然後休老勞農享食也成歲事斷計要也

周衰官失而百職亂戰國並爭各有變易秦兼天下建

皇帝之號立百官之職不師古始罷侯置守太尉主五

兵丞相總百揆又置御史大夫以貳於相漢初因循而

不革隨時宜也其後頗有所改孟康注漢書曰大司馬

侍散騎諸吏爲中朝丞相左右前後將軍侍中常

以下至六百石爲外朝王莽篡立慕從古官而吏民

弗安亦多虐政遂以亂亡當更始之時官爵皆羣小賈

胃騎都尉爛光武中興務從節約并官省職費減億計

羊頭關內侯

後漢建武六年詔曰百姓遭難戶口耗少而官吏尚繁

於是司隸州牧條奏并省四百餘縣吏職減損十置其

一廢丞相與御史大夫而以三司綜理衆務泊於叔世

事歸臺閣論道之官備員而已魏與吳蜀多依漢制晉

氏繼及大抵畧同山公啓事曰晉制諸坐公事者皆三

無事臣以爲畧依左遷法隨資裁減之亦足懲戒而官

不失其用詔善之又傳元奏曰諸官有病滿百日不差

宜令去職優其禮秩既差而復用泰元六年改制減費損吏士職員凡

七百人時議省州郡縣半吏以赴農功苟勗議以爲省

蕭曹相漢載其清靜此清心也漢文垂拱幾致刑措此

省事也光武并合吏員縣官國邑纒置十一此省官也

魏太和遣王人四出滅天下吏員正始中亦并合郡

縣此省吏也今必欲求之於本則宜以省事爲先設官

分職委事責成量能授任思不出位若欲省官竊謂九

寺可并於尚書蘭臺宜省付三府至東晉桓溫又表曰

乾隆十二年校刊

職官一

七

愚謂門下三省祕書著作通可減半古以九卿綜事不
 專尚書今事歸內臺則九卿為虛設皆宜省并若郊廟
 籍田之屬臨時爰及宋齊亦無改作宋時制新長吏以
 權兼事訖省矣父疾去官禁錮
 三年山陰令沈叔在父疾去職御史中丞鄭鮮之上議
 日所以為其制者泄官不久則奔競互生故杜其欲速
 之情以申考績之實耳今父母之疾而加以罪名損義
 疾理莫此為大詔從之於是自二品以上父母及為祖
 父母後者墳墓崩毀及疾蓋三臺
 病放屬輒去並不禁錮兩
 漢舊名五省謂尚書中郡縣有三歲為滿之期宋州郡
 書門下祕書集書省也居職
 以三周梁武受終多遵齊舊然而定諸卿之位分配四
 為小滿班
 時說在列置戎秩之官百有餘號武帝時置百二十四班
 陳遵梁制不失舊物陳依梁制年未滿三十者不得入
 簿西曹左奏及經為挽郎得仕必有奇才異行殊勲別
 降恩旨敘用者不在常例其官唯論清濁從濁得微清

即勝後魏昭成之即王位初置官司分掌眾職以燕鳳
 於遷為右長

史許議為然而其制草創名稱乖疎皇始元年道武平

并州始建臺省置百官封公侯將軍刺史太守尚書郎

等官悉用文人天興中太史言天文錯亂當改王易政

故官號數革初道武制官皆擬遠古雲鳥之義諸曹走

禁謂之白鷺取其延使謂之鳧鴨取飛之迅疾也以伺察候宮

品百司位號皆淮南朝改次職令以為永制凡守令以

後經六年又作考格以之黜陟又宣武帝行考陟之法任

事上中者三年升一階散官上第者四載登一級孝明

以後授受多濫白明帝孝昌以後天下多難刺史太守

皆為當部督雖無兵事並立佐僚所在

乾隆十二年校刊

職官一

頗為煩擾及東魏靜帝時齊神武作相高隆之表請自
非實在邊要見有兵馬者悉皆斷之又時諸朝貴多假
常侍以取貂蟬之飾隆之自表解侍中并陳諸假侍服
者請亦罷之又自軍國多事冒竊官者不可勝數隆之
奏請檢括得五萬餘人而北齊創業亦遵後魏臺省位
羣小喧囂隆之懼而止

號多類江東以門下省掌獻納諫正中書省管司王言
祕書省典司經籍集書省掌從容諷議中

常侍省掌出入門閣後主臨御爵祿犬馬
御馬及犬乃

御史臺察糾彈劾後周之初據關中猶依魏
有儀同郡公

之號籍以旃罽食物十餘種其宮婢闈人商人胡人雜
戶歌舞人見鬼人濫富貴者萬數至末年太宰三師大

司馬大將軍三公等官並增後周之初據關中猶依魏
員而授或二或二不可稱數

制及平江陵之後別立憲章酌周禮之文建六官之職

其他官亦兼用秦漢他官謂將軍都督
刺史太守之類隋文帝踐極百

度伊始復廢周官還依漢魏其於庶僚頗有損益凡官

以四考而代又制凡官以理
去職聽並執笏至煬帝初存稽古多復舊

章百官不得計考增級如有德
行功能灼然顯著者擢之大業三年始行新令有

三臺五省五監十二衛十六府殿內尚書門下內史祕
書五省也謁者司隸御

史三臺也少府長秋國子將作都水五監也左右翊左

右驍左右武左右屯左右禦左右候十二衛也左右備

身左右監門等凡十六府也或是舊名或是新置諸於

省及左右衛武侯領軍監門府為內官自餘為外官於

時天下繁富四方無虞衣冠文物為盛矣既而漸為不

道百度方亂號令日改官名月易圖籍散逸不能詳備

唐職員多因隋制雖小有變革而大較不異高祖制文
官遭父母

喪者聽貞觀六年大省內官凡文武定員六百四十有
去職二而已顯慶元年初制拜三師三公親王尚書令雍州
牧開府儀同三司驃騎大將軍左右僕射並臨

職官一
乾隆十二年校刊

軒冊授太子三少侍中中書令諸曹尚書諸衛大將軍
特進鎮軍輔國大將軍光祿大夫太子詹事太常卿都
督及上州刺史在京者朝堂受冊又制文武官龍朔二
五品以上老及病不因罪解者並聽同致仕例
年又改京司及百官之名改尚書省為中臺門下省為
東臺中書省為西臺其餘官

司悉改之咸亨元年復舊至於武太后再易庶官或從宜創

號改尚書省為文昌臺門下省為鸞臺中書省為鳳閣
御史臺為肅政臺及諸寺衛等名又置控鶴府官員

或參用古典改六尚書為天天授二年凡舉人無賢不

肖咸加擢拜大置試官以處之試官蓋起於此也試者未為

正命凡正官皆稱行守其階高而官卑者稱行階卑而

官高者稱守官階同者並無行守字太后務收物情其

年二月十道使舉人并州石艾縣令王山耀等六十一
人並授拾遺補闕懷州錄事參軍崔獻可等二十四人
並授侍御史并州錄事參軍徐昕等二十二人並授衛佐校

作郎魏州內黃縣尉崔宣道等二十二人並授衛佐校

書御史等故當時諺曰補闕連車載拾遺平斗於時擢
量把推侍御史椀脫校書郎試官自此始也

人非次刑網方密雖驟歷榮貴而敗輪繼軌神功元年

本色出身解天文者進轉官不得過太史令音樂者不
得過太樂鼓吹署令醫術者不得過尚藥奉御陰陽卜

筮者不得過太卜令解造食者不得過司膳寺諸署令
又制其有從勳官品子流外國官參佐視品等出身者

自今不得任京清顯要等官若累階應至三品者不得
進階每一階酬勳兩轉如先有上柱國者聽迴授其以

上親必有異行奇材別神龍初官復舊號凡武太后二
立殊效者不拘此例

年三月又置員外官二千餘人國初舊有員外官至此

為員外官者亦千餘人中書令李嶠初自地官尚書貶

通州刺史至是召拜吏部侍郎嶠志欲曲行私惠求名
悅眾冀得重居相位乃奏請大置員外官多引用勢家

親識至是嶠又自覺銓衡失序官員倍多府庫由是減
耗於是遂有員外員外官其初但云員外至永徽六年
以蔣孝璋為尚藥奉御員外特置仍

乾隆十二年校刊
職官一

同正員自是員外官復有同正員者其加同正員者唯
不給職田耳其祿俸賜與正官同單言員外者則祿俸
減正官檢校試攝判知之官之命攝者言勅攝非州府版署
判官者云判某官事知者云知逮乎景龍官紀大紊復
某官事皆是詔除而非正命景龍中有太平安樂長寧宜
有斜封無坐處之誦興焉城等諸公主及上官氏與其
母沛國夫人鄭氏上官柴氏賀婁氏女巫隴西夫人趙
氏皆樹用親識亦多猥濫或出身臧獲或由於屠販多
因賂貨累居榮秩咸能別於側門降墨勅斜封以授焉
故時人號為斜封官時既政出多門遷除甚衆自宰相
至於內外員外官及左右臺御史多者則數踰十倍皆
無廳事可以處之故時人謂之三無坐處謂宰相御史
及員外先天以來始懲其弊元宗御極宰相姚元崇宋
官也去其九時有殿中侍御史崔涖太子中允薛昭諷帝
日先朝所授斜封官恩命已布而姚元崇宋璟等沮先
帝之明歸怨陛下道路謗讟天下稱冤奈何與萬人為
仇敵恐有非常之變上以為然乃下詔曰諸緣斜封別

勅授官先令停任官並量材叙用監察御史柳澤又上
疏極言不可其斜封官得免罪戾已沐恩私旬月之內
頻煩降旨前勅令至冬處分後勅又令替至開元二十
人却停將何以止姦邪將何以懲風俗至開元二十
五年刊定職次著為格令此格皆武德貞觀之舊制永
五年再刪定焉至二十八年又省文武六蓋尚書省以
品以下官三百餘員及諸流外番官等統會眾務舉持繩目門下省以侍從獻替規駁非宜中
書省以獻納制冊敷揚宣勞祕書省以監錄圖書殿中
省以供修膳服內侍省以承旨奉引尚書門下中書祕
省御史臺以肅清僚庶九寺大理鴻臚司農大府為九
寺御史臺以肅清僚庶九寺大理鴻臚司農大府為九
五監少府將作國子軍以分理羣司六軍左右龍武
左右神武十六衛左右領軍左右金吾左右監門左右千
為六軍十六衛左右領軍左右金吾左右監門左右千
乾隆十二年校刊

乾隆十二年校刊

職官一

牛爲十以嚴其禁禦一詹事府二春坊有左右春坊又有內坊掌閤內

六衛三寺家令寺率更寺太僕寺十率左右衛左右司禦左右清道左右監門左右內侍凡十率

府俾又儲宮牧守督護分臨畿服京府置牧餘府州設置都督都護太守

官以經之置使以緯之按察採訪等使以理州縣節度團練等使以督府軍事租庸轉

運鹽鐵青苗營田等使以統財貨其餘細務因事置使者不可悉數其轉運以下諸使無適所治廢置不常故

不別列自六品以下率由選曹居官者以五歲爲限於於篇

是百司具舉庶績咸理亦一代之制焉一歲爲一考四考有替則爲滿

若無替則五考而罷六品以下吏部注擬謂之旨授五品以上則皆勅除自至德之後天下多難甄才錄效制

勅特拜繁於吏部於是兼試員外郎倍多正員至廣德以來乃立制限州縣員外兼試等官各有定額並云額

內溢於限者不得視職其有身帶京官冗職資名清美兼州縣職者云占闕焉即如正員之例官以三考而代

無替四考而罷由是官有常序焉

唐自太宗時已有員外置其後又有特置同正員至

於檢校兼守判知之類皆非本制又有置使之名或

因事而置事已則罷或遂置而不廢其名類繁多莫

能徧舉肅代以後盜起兵興府庫無蓄積朝廷專以

官爵賞功諸將出征皆給空名告身自開府特進列

卿大將軍下至中郎將聽臨事注名其後又聽以信

牒授人官爵有至異姓王者諸軍但以職任相統攝

不復計官資高下及清渠之敗復以官爵授散卒由

是官爵輕而貨重大將軍告身一通纔易一醉凡應

募入軍者一切衣金紫至有朝士僮僕衣金紫稱大官而執賤役者名器之濫至是而極

張巡在雍邱纔領一縣千兵而大將六人官皆開府特進德宗避難於奉天渾瑊之童奴曰黃岑力戰即封渤海郡王至於僖昭之世遂有促船郭使君看馬李僕射之號德宗幸梁州在道民有獻瓜菓者上欲試以散官陸贄言軍興以來財賦不足以供賜而職官之賞興焉方今之病在於爵輕設法貴之猶恐不重若又自棄何以勸人夫誘人之方惟名與利名近虛而於教為重利近實而於德為輕專實利而不濟之以虛則耗匱而物力不給專虛名而不副之以實則誕慢而人情不趨夫突銛鋒排患難者則以是賞之竭筋力展勤効者又以是酬之若獻瓜菓者受試官則彼人將曰吾以忘軀命獲官而彼以獻瓜菓得官是乃國家以吾之軀命同之瓜菓矣

宋朝設官之制名號品秩一切襲用唐舊然三師三公

不常置宰相不專用三省長官中書門下並列於外又別置中書於禁中是謂政事堂與樞密院對掌大政天下財賦內庭諸中外筦庫悉隸三司中書省但掌冊文覆奏考帳門下省主乘輿八寶朝會位版流外較考諸司附奏挾名而已臺省寺監官無定員無專職悉皆出入分莅庶務故三省六曹二十四司互以他官典領雖有正官非別勅不治本司事事之所寄十亡二三故中書令侍中尚書令不與朝政侍郎給事不領省職左右諫議無言責而起居郎起居舍人不執記事之筆中書常闕舍人門下罕除常侍補闕拾遺改為司諫正言而

非特旨供職亦不任諫諍至於僕射尚書丞郎郎中員外居其官不知其職者十常七八祕書殿中二省名存實廢惟內侍所掌猶髣髴故事九寺五監尤爲空官六統軍十六衛每遇大禮朝會但遣官攝事以備儀範天聖中始以環衛官補宗室子東宮官不常置公主無邑司節度使不食本鎮租賦藩府除授雖帶都督之名而實不行都督之事京府以及四方大鎮皆有牧尹而類非親王不除諸路無觀察採訪而觀察防禦團練刺史特以爲右列叙遷之寵雖有正任遙領大率不親本州之務諸司使副有東班西班又有橫班橫班之有職事

者獨閤門客省四方館畧有典掌其他悉無所領此其大槩也至於官人授受之別則有官有職有差遣官以寓祿秩叙位著職以待文學之選而差遣以治內外之事其次又有階有勲有爵故士人以登臺閣陞禁從爲顯宦而不以官之遲速爲榮滯以差遣要劇爲貴途而不以階勲爵邑有無爲輕重時人爲之語曰寧登瀛不爲卿寧抱槩不爲監虛名之不足砥礪天下也如此自真宗仁宗以來議者多以正名爲請咸平中楊億首言文昌會府有名無實宜復其舊旣而言者相繼乞復二十四司之制至和中吳育亦言尚書省天下之大有司

而廢爲閒所當漸復之然朝論異同未遑釐正神宗卽位慨然欲更其制熙寧末始命館閣校唐六典元豐三年以摹本賜羣臣乃置局中書命翰林學士張璪等詳定八月下詔肇新官制凡省臺寺監領空名者一切罷去而易之以階九月詳定所上言寄祿會明堂禮成近臣遷秩卽用新制而省臺寺監之官各還所職矣五年省臺寺監法成六年尚書新省成帝親臨幸召六曹長貳以下詢之職事因戒敕焉初新階尚少而轉行者易以混雜及元祐初於朝議大夫六階以上始分左右旣又以流品無別乃詔寄祿官悉分左右詞人爲左餘人

爲右紹聖中罷之崇寧初以議者有請自承直至將仕郎凡換選人七階大觀初又增宣奉至奉直大夫四階政和末自從政至迪功郎又改選人三階於是文階始備而武階亦詔易以新名正使爲大夫副使爲郎而橫班十二階使副亦然故有郎官大夫之首者繼又以新名未具增置宣正履正大夫郎凡十階通爲橫班而文武官制益加詳矣大抵自元祐以後漸更元豐之制二府不分班奏事樞密加置簽書徽省則旣罷復建戶部則不領右曹專典常平而總於其長起居郎舍人則通記起居而不分言動館職則增置校勘黃本凡此皆與

元豐稍異也其後蔡京當國率意自用然動以繼志為言首更開封守臣為尹牧由是府分六曹縣分六案又內侍省職悉倣機庭之號已而修六尚局建三衙郎又更兩省之長為左輔右弼易端揆之稱為太宰少宰是時員既濫冗名且紊雜故官有視秩甚者走馬承受陞擁使華黃冠道流亦預朝品元豐之制至此大壞及宣和末王黼用事方且追咎元祐紛更乃請設局以修官制格目為名書未成而邊事起矣

官數

唐六十員虞六十員

尚書云建官惟百鄭元云虞官六十唐官未聞堯舜同道或皆六十

并屬官而言則皆有百

夏百二十員

尚書云夏商官倍則殷二百

四十員

明堂位二百鄭元曰二百四十

周六萬三千六百七十五員

內

千六百四十三人外諸侯國官六萬一千三百三十二人按禮記王制計之商制同

右杜氏通典所載唐虞夏商之官員數往往以傳

聞異辭故於注兩存之至周之官數則以為出於

禮記王制今考之其所謂外諸侯官六萬一千三

十二人者以王制云殷時天下諸侯國千七百七

十三內大國二百四十九次國五百一小國一千

二十三大國次國則皆三卿五下大夫二十七上

士唯小國二卿其大夫與士如大國次國之數大

凡列國卿大夫士有六萬一千三十二人其數是矣獨所謂內官二千六百四十三人者未知何據謹按周家之官數莫詳於周禮今以周禮太宰以下及其屬稽其員數之可考者除冬官一篇已亡無所稽據外而五官所掌其有命官而難考員數者如山虞每大山中士二人中山下士六人小山二人川衡每大川下士十二人之類是也又有元無命官者如酒人漿人之爲奄女御女祝之爲女方相氏之爲狂夫蠻隸罪隸之爲徒隸是也若此之外則其數未嘗不昭然可考大槩爲公者三人

爲卿者二十四人六官六 六卿六 世婦六 宮十二中大夫共六十八人下大夫共二百九十三人上士共一千一百三十三人中士共四千五百三十六人下士共一萬九千二百零九人自公而至下士總計二萬五千二百六十六人此則周禮所載內官可考之數也與前數殊不脗合今姑具載其目於后以俟考訂之精詳者共評之

周禮命官員數

公

鄉老每二鄉公一人

鄭注王置六鄉則公有三人

卿

太宰一天官大司徒一地官鄉大夫每鄉卿一人注六鄉則

卿六人各主一鄉之事然總屬大宗伯一春世婦

司徒非六官兼鄉大夫也地官每宮卿二人注王后六宮則十二人大司馬一夏

大司寇一秋司空一冬官已亡不能知其官數員

可知也

右卿共二十四人

中大夫

小宰二 司會二右天官共四人小司徒二 師氏一

州長每州一凡三十州計三十人 遂大夫每遂

一人六遂計六人右地官共四十一人遂人二 小宗伯二

大司樂二 內史一右春官共五人小司馬二 戎右

二 大馭二 戎僕二 校人二 職方氏四右

官共十四人小司寇二 大行人二右秋官共四人

右中大夫共六十八人

下大夫

宰夫四 太府二 司會四 內宰二右天官共十二人

鄉師四 黨正每黨一人凡一百五十黨計一百

五十人 保氏一 司市二 司門二 遂師二

縣正每縣一人凡三十縣計三十人 廩人二

右地官共一肆師四 世婦每宮四人六宮當二百九十五人

十四人 冢人二 墓大夫二 樂師四 太師

二 大卜二 太祝二 太史二 巾車二 右春官共

四十人 軍司馬四 射人二 司士二 諸子二

虎賁氏二 太僕二 司甲二 司弓矢二 齊

右二 齊僕二 職方氏八 右夏官共三十人 士師四

小行人四 右秋官共八人

右下大夫共二百九十三人

上士

宰夫八 宮正二 膳夫二 醫師二 太府四

玉府二 司會八 司書二 職內二 職歲

四 職幣二 內宰四 內小臣奄上士四 鄭注

士者異其賢愚按此必奄官之受爵命如後來內侍省官之類如酒人等只稱奄幾人則泛泛趨走之奄與府史等也右鄉師八 族師每族一凡七

百五十族計七百五十人 載師二 縣師二

師氏二 司市四 泉府四 司門四 司關二

掌節二 遂師八 鄙師每鄙一人凡一百五

十鄙計一百五十人 土均二 稻人二 廩人

四 舍人二 右地官共九人 肆師八 天府一 職

喪二 樂師八 小師四 卜師四 大祝四

喪祝二樂太史四內史四外史四中車二

四都宗人二家宗人二右春官共五十三人輿司馬八

司勳二掌固二候人六一射人四司右二

少臣四繕人二戎右二道右二道僕

十五二田僕十二校人四土方氏五右夏官共六十

七鄉士八職金二司儀八掌客二右秋官共二十

人

右士共一千一百三十三人

中士

宰夫十六宮正四宮伯二膳夫四庖人

四內饗四外饗四獸人四獻人二食

醫二疾醫八酒正四宮人四玉府四

內府二外府二司會十六司書四職內

四職歲八職幣四司喪二內宰八典

婦功二右天官共一百十八人鄉師十六閭胥每閭一凡

三千閭計三千人封人四鼓人六牛人二

載師四閭師二縣師四遺人二均人

二保氏二司諫二司救二司市八質

人二廛人二泉府八司門八司關四

掌節四遂師十六鄼長每鄼一人凡七百五

十鄣計七百五十人 旅師四 委人二 土均
 四 稻人四 土訓二 誦訓二 迹人四 舛
 人二 圉人四 廩人八 舍人四 倉人四
 司祿四 右地官共三千 肆師十六 天府二 典
 瑞二 典命二 司服二 典祀二 世婦每宮
 八人六宮四十八人 冢人四 墓大夫八 職
 喪四 大胥四 典同二 磬師四 鐘師四
 笙師二 鑄師二 籥師四 籥章二 卜人八
 龜人二 箬人二 占夢二 眠祲二 小祝
 八 喪祝四 司巫二 巫師二 小史八 馮

相氏一 保章氏二 內史八 外史八 御史
 八 巾車八 典路二 車僕二 司常一 都
 宗人四 家宗人四 右春官共二百四人 行司馬十六 馬
 質二 司險二 掌疆八 司士六 諸子四
 虎賁氏十二 旅賁氏二 祭僕六 司甲八
 司兵四 司弓矢八 橐人四 馭夫二十 職
 方氏十六 懷方氏八 合方氏八 訓方氏四
 形方氏四 山師二 川師二 籩師四 匡
 人四 擇人四 右夏官共一百五十八人 鄉士十六 遂士十
 二 縣士三十二 方士十六 訝士八 朝士

六 司民六 司刑二 司園六 司隸二 布
憲二 司儀十六 環人四 掌訝八 掌交八
掌察四方八 都則一 都士二 家士二
右官共一百五十七人
右中士共四千五百三十六人
下士

太宰旅三十二 宮正八 宮伯四 膳夫八
庖人八 內饗八 外饗八 亨人四 甸師二
獸人八 敝人四 鱉人四 腊人四 醫師
四 瘍醫八 獸醫四 酒正八 凌人二 宮

人八 掌舍四 幕人一 掌次四 太府八
司喪四 掌皮四 典婦功四 典絲二 典枲
二 染人二 追師二 履人二 夏采四
右天官一百七十九人 司徒旅三十二 比長每比一人凡一萬
五千比計一萬五千人 封人八 舞師二 牧
人六 牛人四 充人二 遺人四 均人四
調人二 媒氏二 司市十六 質人四 廛人
四 泉府十六 司門十六又每門二人王城十
二門計二十四人 遂師旅三十二 里宰每里
一人凡三千里計三千人 旅師八 稍人四

委人四 土均八 草人四 稻人八 土訓四
誦訓四 迹人八 舛人四 角人二 羽人
二 掌葛二 掌染草二 掌炭二 掌茶二
掌蜃二 圉人八 廩人十六 倉人八 司祿
八 司稼八 右地官共一萬八千二百九十六人 宗伯旅三十二
鬱人二 鬯人二 鷄人一 司尊彝二 司几
筵二 典祀四 職喪八 樂師十六 小胥八
磬師八 鐘師八 笙師四 鐃師四 鞀師
二 旄人四 籥章四 鞀鞀氏四 典庸器四
司干二 卜人十六 蕡氏二 占人八 小

祝十六 喪祝八 甸祝二 詛祝二 小史十
六 馮相氏四 保章氏四 內史十六 御史
十六 巾車十六 典路四 車僕四 司常四
右春官共二百七十五人 司馬旅三十二 司勳四 量人二
小子二 羊人二 司燿二 掌固八 司險

四 候人十二 環人六 挈壺氏六 射人八
服石氏一 射鳥氏一 羅氏一 掌畜三
司士十二 司右四 旅賁氏十六 節服氏八
御僕十二 隸僕二 弁師二 司戈盾二
繕人四 馭夫十四 校人十六 趣馬一 巫

馬二 牧師四 度人二 土方氏十 山師四

川師四 邊師八 右夏官共二百四十六人 司寇旅三十二

司刺二 司約二 司盟二 職金四 司厲

二 犬人二 司園十二 掌囚十二 掌戮二

司隸十二 布憲四 禁殺戮二 禁暴氏二

野廬氏六 蜡氏四 雍氏二 萍氏二 司

寤氏二 司烜氏六 條狼氏六 修閭氏二

冥氏二 庶氏一 亢氏一 翬氏二 柞氏八

蕪氏二 碧蒺氏一 剪氏一 赤友氏一

蠲氏一 壺涿氏一 庭氏一 銜枚氏二 伊

耆氏一 行夫三十二 掌客四 掌貨賄十六

都則二 都士四 家士四 右秋官二百一十三人

右下士共一萬九千二百零九人

有命官難考員數

山虞每大山中士二人下士八人中山下士六人

小山下士二人 族黨州縣鄉鄩鄙遂皆有定數可

夫一人則六遂可知為六人族師每族上士一人

則七百五十族可知為七百五十人之類若山澤

之名數則注家不言其 林衡每大林麓下士十二

有幾所以難考官數 人中林麓如中山之虞小林麓如小山之虞 川

二人 澤虞每大澤大藪中士四人下士八人中
澤中藪如中川小澤小藪如小川 塲人每塲下
士二人 司關每關下士二人 內宗凡內女之
有爵者 外宗凡外女之有爵者 都司馬每都
上士二人中士四人下士八人 象胥每翟上士
一人中士二人下士八人 朝大夫每國上士二
人下士四人

無命官

酒人 奄鄭注謂宦人賈注謂不漿人 奄籩人 奄醢
稱士則稱奄亦府史之屬
人 奄醢人 奄監人 奄冪人 奄閹人 寺人 內豎

九嬪 女御 女祝 女史 內司服 奄 縫人

奄 胥師 賈師 司覈 司稽 肆長 鄰長

春人 奄 饎人 奄 橐人 奄 守祧 奄 瞽矇 奄 眡瞭 凡

以神仕者 方相氏 圉師 罪隸 蠻隸 閩

隸 夷隸 貉隸

漢自丞相至佐史凡十三萬二百八十五員 哀帝時數兼諸府州

郡胥 後漢七千五百六十七員 晉六千八百三十六員

宋六千一百七十二員 齊二千一百三員 後魏七千七

百六十四員 北齊二千三百二十二員 並內 後周二千

九百八十九員 並內 隋一萬二千五百七十六員 內官

五百八十一外郡縣
官九千九百九十五
外郡縣官一萬六千一百八十五
唐一萬八千八百五員
內官二千六百二十

宋內外官員數

元豐間南豐曾鞏議經費言景德官一萬餘員皇祐二萬餘員治平并幕職州縣官三千三百餘員總二萬四千員

朝野雜記祖宗時內外文武官通一萬三千餘員天聖中兩制兩省不及三十員京朝官不及二千員三班使臣不及四千員慶歷中兩制兩省至五十員京朝官二千七百餘員流外銓選人僅萬計

乾道中京朝官已三四千員選人亦七八千員紹熙二年京朝官四千一百五十九員合四選凡三萬三千一十六員慶元二年京朝官如紹興之數選人增至一萬三千六百八十員大使臣六千五百二十五員小使臣一萬八千七十員通四選凡四萬二千有奇蓋五年之間所增僅九千餘員可謂官冗矣嘉泰元年春左選京官以上三千一百三十三員選人萬五千二百四員大使臣以上六千八百五十四員校尉以上萬二千六百十六員通四選共三萬七千八百餘員是五年間所損僅

二千餘員未知何故

文獻通考卷第四十七

文獻通考卷第四十八

鄱 陽 馬 端 臨 貴 與 著

職官考二

三公總序 四輔二大附

記曰虞夏商有師保有疑丞設四輔及三公尚書大傳曰古者天

子必有四鄰前曰疑後曰丞左曰輔右曰弼天子有問無以對責之疑有志而不志責之丞可正而不正責之輔可揚而不揚責之弼其不必備惟其人語使能也故爵視卿其祿視次國之君

天子無爵三公無官參職天子何官之稱天文三台以

三公法焉三台星名一作能伊尹曰三公調陰陽九卿通寒暑

大夫知人事列士去其私周成王作周官曰立太師太

傅太保茲惟三公論道經邦燮理陰陽師天子所師法

保安天子於德義者此惟三公之任少師少傅少保曰

三孤此三公名曰三孤孤特也言貳公弘化寅亮天地

弼予一人副貳三公弘大道化敬信天則三太周之三

公也故不以一職為官名公八命也九命又以三少為

孤卿與六卿為九焉六卿冢宰司徒宗伯司馬司寇

九卿者六卿并三孤而言九其三公又下兼六卿故傳

冢宰畢公領司馬毛公領司空各兼二卿按顧命太保領

為宗伯衛侯為司寇則周時三公各兼一卿之職與古

異矣又周禮王畿有六卿每二舜之於堯伊尹於湯周

公召公於周是其任也賈誼曰天子不喻於前聖之德

詩書無宗學業不法太師之責也古者齊太公職之天

子不惠於庶民不禮於大臣不中於折獄無經於百官

不哀於喪不敬於祭不誠不信太傅之責也古者周公

職之天子處位不端受業不敬言語不敘音聲不中進

退升降不以禮俯仰周旋不以節此太保之責也古者

燕召公職之天子燕業反其學左右之習詭其師益諸

侯過大臣不知文雅之辭此少師之責也天子居處出

入不以禮衣服冠帶不以制御器倒側不以度采服從

好不以章忿悅不以義與奪不以節此少傅之責也天

子居燕私安而易樂而耽飲食不時醉飽不節寢起早

晏無常玩好器弄無故周禮建外朝之法左九棘孤卿

制此少保之責也

大夫位焉羣士在其後右九棘公侯伯子男位焉羣吏

在其後面三槐三公位焉州長眾庶在其後樹棘以為

赤心而外刺象以赤心三刺也槐懷也言懷來人三公

於此欲與之謀也羣吏謂府史也州長鄉遂之官三公

一命衮若有加賜也不過九命三公八命矣復加一命

同多於此賜也非命服也虞夏之制天子有日月星辰周禮曰諸公之服自衮冕而下如王之服

九命作伯尊公曰宰言於海內無不宰統焉或說司馬

主天司徒主人司空主土是為三公韓詩外傳曰故陰陽不和日時不節

星辰失度災變非常則責之司馬君臣不正人道不和國多盜賊民怨其上則責之司徒山陵崩弛川谷不通

五穀不植草木不茂則責之司空漢初唯有太傅太尉後加置太師太

保大司徒大司空哀帝時議以漢舊無司徒故定三公之號曰大司馬大司徒大司空史記

曰公孫弘以春秋白衣為天子三公漢初王莽居攝置

因秦置丞相而弘為之則丞相為三公矣初王莽為左輔甄豐為右弼甄邯為右丞後又

四輔官制以太師太傅國師國將為四輔位上公大司

馬大司徒大司空後漢唯有太傅一人謂之上公及有太尉

司徒司空光武初詔司徒司空而無師保董卓盜為太師非漢本制

太尉公主天尉部太常衛尉光祿勳司徒公主人部太僕鴻臚廷尉司空公

主地部宗正少府司農而分部九卿漢制三公號稱萬石其俸

云三公一歲共食萬石也蓋多以九卿為之若天地災變則皆冊免

自太尉徐防始焉後漢本制日食星流及大雨雷等災變者惟免太尉自徐防為太尉凡天

地災變三公皆免至魏漢制三公不與盜賊若領兵入

黃初二年始罷此制使虎賁執刃夾之也魏武為司空破張繡入覲天子亦行此制汗流

見皆交戟叉頸而前洽背自此不復朝覲也朝臣見三公皆拜天子御座即起在輿為

下凡拜公天子臨軒六百石以上悉會直事卿贊拜御

史授印綬公三讓然後受至安帝時三府任薄選舉誅

賞一由尚書其災青變咎則責免公台靈帝臨朝始遣

乾隆十二年校刊

使者就長安拜張温為太尉三公在外自温始也至獻

帝建安十三年乃罷三公官魏初復置與後漢同有太尉司徒

然皆無事不與朝政高柔上疏云今公輔之臣民所具瞻而置之三事不

使知政非朝廷崇用大臣之初封司空崔林為安陽亭

義大臣獻可替否之謂也侯三公封列侯自林始也林字德孺裴松之曰漢封丞

其失也黃初二年又分三公戶邑封子弟各一人為列侯

末年增置太保晉武帝即位之初以安平王孚為太宰

鄭冲為太傅王祥為太保義陽王子初為太尉何曾為

司徒荀顗為司空石苞為大司馬陳騫為大將軍凡八

公同時並置惟無丞相焉時所謂八公同辰攀雲附翼

者也遂以太傅太保為上公論道經邦燮理陰陽無其

人則闕蓋居者甚寡諸公品第一食俸曰五斛太康二

百斤元康元年給菜田十頃田騶十人立夏以後不及

田者食俸一年又給虎賁二十人特班劍給朝車駕安

車黑耳其太尉司徒司空自漢歷魏皆為三公及晉迄於

江左相承不改上公三公前代三公冊拜皆設小會所

以崇宰輔之制也自魏末廢而不行至晉拜石鑒字林

為左光祿大夫開府領司徒始有詔令會遂以為常十

國姚泓僭號受經於博士淳于岐岐病泓宋皆有八公

親省疾拜於床下自是公侯見師傅皆拜之官而不言為八公也宋志曰三公黃閣前史無有義

夫則異鄭元注云士賤與君同不嫌也夫朱門洞啓當陽之正色也三公之與天子禮秩相亞故黃其閣以示

乾隆十二年校刊

職官二

謙不敢斥天子宜是漢舊制鞞音畢齊時三公唯有太傅梁有丞相太宰

太傅太保大司馬大將軍太尉司徒司空開府儀同三

司等官諸公及從公開府者亦置官屬陳以丞相太宰

太傅太保大司馬大將軍並為贈官三公之制開黃閣

廳事置鷓尾後魏以太師太傅太保謂之三師上公也

大司馬大將軍謂之二大太尉司徒司空謂之三公北

齊皆有三師二大三公之官並置府其府三門當中門

黃閣設內屏三師二大置佐吏則同太尉府後周置六

卿之外又改三師官謂之三三公兼置三孤以貳之少師

少保而以司徒為地官大司馬為夏官司空為冬官如姬

周之制無復太尉三師之號宣帝又置四輔官以大冢宰越王

盛為大前疑蜀國公尉遲迥為大右弼申國公李穆為大左輔隋國公楊堅為大後丞隋置三師

不主事不置府僚但與天子坐而論道置太尉司徒司

空以為三公參議國之大事依北齊置府僚無其人則

闕祭祀則太尉亞獻司徒奉俎司空行掃除其位多曠

攝行事尋省府僚佐置公則坐於尚書都省朝之眾務

總歸於臺閣矣煬帝即位廢三師官唐復置三師以師

範一人儀刑四海置三公以經邦論道燮理陰陽祭祀則與

隋制並無其人則闕天寶以前凡三師官雖有其位而

無其人太師太傅太保各一人是為三師太尉司徒司

空是為三公親王拜者不親事祭祀闕則攝不置官屬五代

時多以畀藩鎮及贈官 羅紹威 太師 韓建 司徒

馬希範 張全義 安元信 並太師 馮行襲 太傅

宋承唐制以太師太傅太保為三師太尉司徒司空為

三公為宰相親王使相加官其特拜者不預政事赴上

於尚書省 凡除授則自司徒遷太保自太尉舊在三師

太傅遷太尉檢校亦如之 下由唐以來至宋朝加重加以太尉居太傅之上若宰

臣官至僕射致仕者在位久近或已任司空司徒則

拜太尉太傅等官若太師則為異數自趙普以開國元

勲文彥博以累朝耆德方特拜焉雖太傅王旦司徒呂

夷簡各任宰相二十年止以太尉致仕熙寧二年富弼

除守司空兼侍中平章事辭司空侍中從之三年曾公

亮除守司空檢校太師兼侍中以兩朝定策之功辭相

位也六年文彥博除守司徒兼侍中九年彥博除守太

保兼侍中辭太保從之元豐三年曹佾為檢校太師守

司徒兼中書令九月詔檢校官除三公三師外並罷宋朝

檢校官一十九三公三師三左僕射至水部員外郎共十三官制行左僕射以下為職事官故罷 又以

文彥博落兼侍中除守太尉富弼守司徒皆錄定策之

功也六年彥博守太師致仕八年王安石守司空曹佾

守太保元祐元年文彥博落致仕太師平章軍國重事

呂公著守司空同平章軍國重事

舊制將相皆以階官守三師或三公元豐

改官制文彥博常以河東節度使守太師王安石以觀文殿大學士守司空元祐初彥博罷節度使入爲平章軍國重事即去守字及公著爲司空學士院草制誤存守字是曰三省被旨貼麻改正

崇寧三年

蔡京授司空行尙書左僕射大觀元年京爲太尉二年爲太師政和二年京落致仕依前太師三日一至都堂治事九月詔以太師太傅太保古三公之官今爲三師古無此稱合依三代爲三公爲真相之任司徒司空周六卿之官太尉秦主兵之任皆非三公並宜罷之仍考周制立三孤少師少傅少保亦稱三少爲次相之任至是京始以三公任真相三公自祖宗以來罕嘗備官獨

宣和末三公至十八人三少不計也太師三人蔡京童貫鄭紳太傅四人王黼燕王俛越王偲鄆王楷太保十人蔡攸肅王樞至儀王栲渡江後以用兵故秦檜爲太師張俊韓世忠爲太傅劉光世爲太保乾道初楊沂中吳璘並爲太傅紹興初史浩爲太師嗣秀王爲太保蓋自紹興後三公未嘗備官

按三公三師官之濫授莫甚於宣和以來所授者皆非其人固不待言而名體尤有未正者蓋鄆王肅王輩爲之是以子爲師傅也童貫爲之是以廝役爲師傅也朝野雜記載嘉定初皇子薨討論贈

典吏部引元豐故事欲贈太師尙書令而倪正父引王禹玉等議以爲皇子以師傅名官於義未安然不知宣和時皇子已有生爲師傅者矣

舊檢校官十有九元豐官制惟存三師後更定官稱三孤亦置檢校以待節度使之久次者加至檢校少師者文臣則遷開府儀同三司武臣則遷太尉此除授之序也中興以後惟劉光世嘗除檢校至三公後或纔爲檢校三孤不必序進徑拜使相若太尉亦有自節度使超進則又不必爲檢校官者皆殊恩也按朱熹曰漢初未見孔壁古文尙書

中周官一篇說太師傅保爲三公但見伏生口授牧誓立政中所說司徒司馬司空遂以爲三公而置之豈知諸侯只三卿故止有司徒司馬司空惟天子方有三公三孤六卿立政所紀周是時方爲諸侯乃侯國制度周官所紀在成王時所以不同公孤以師道輔君是爲加官周公以太師兼冢宰召公以太保兼宗伯是以加官兼相職也後世官職益紊遂以公孤官如加官貼職之類不復有師保之任論道經邦之責矣舊惟文臣有勲德者除後世或以諸王子或以武臣旣曰天子之子與武

臣豈可任師保之責邪訛謬相承不復釐正且祖宗法除公孤必建節加檢校太子少保少師之類然後除開府儀同三司然後除公孤南渡如張韓劉岳諸武臣猶如此今建節後或徑除開府至三公三孤矣

太師

太師古官殷紂時箕子爲之周武王時太公成王時周公並爲太師周公薨畢公代之秦及漢初並無至平帝元始元年初置以孔光居焉金印紫綬位在太傅上太保次太傅孔光爲太師王莽爲太傅光常稱疾不敢與太后詔令太師無朝賜靈壽杖黃門令爲太

師省中坐置几太師入省中坐用杖賜食十七物十七物者公具十七種物也靈壽木名漢東京又

廢獻帝初董卓爲太師卓誅又廢魏世不置晉初置三

公上以景帝諱師故置太宰以代太師之名晉書曰惠帝大安元

年以齊王冏爲太師當是撰述者之誤也秩增三司蜀李雄僭號時范長生自西山乘素輿詣成都

雄拜長生爲天地後魏北齊後周隋唐皆有之前唯以

其官贈仲尼及長孫植武護寶教韋元貞張說裴光廷而已護音憂縛反五代以畀藩鎮及

贈官見三公總序

宋制見總序自祖宗時太師未嘗並除紹聖初始有文

彥博吳榮王顥宣和中蔡京童貫鄭紳靖康初燕王俛

越王偲紹興初秦檜張俊紹熙末史浩嗣秀王伯圭建

隆至紹熙宰臣生拜太師者五趙普文彥博蔡京秦檜
史浩惟蔡秦二人以相臣特拜其他皆還政加恩云親
王生拜太師者五人楚王元佐燕王元儼吳王顥燕王
俛越王偲皆以父兄行而得之紹熙中嗣秀王伯圭以
宗室特拜太師蓋王於光宗爲親伯父用優禮也

太傅

太傅古官

傳傳之德義也

周成王時畢公爲太傅漢高后元年

初置太傅金印紫綬初用王陵後省八年復置後省哀
帝元壽二年復置位在三公上平帝以孔光爲之後漢
有太傅上公一人掌以善道無常職光武以卓茂爲之

薨省明帝又以鄧禹爲之

鄧禹字仲華以元功拜太傅進見東向又張禹字伯達遷

太傅舍於宮太官進食五日一歸府朝見特贊與三公絕席章帝以趙熹三世在位爲國元老乃以爲太傅和帝卽位幼弱以鄧彪有海內歸仁徵爲太傅百官總已以聽之恩寵之異莫與爲比其後每帝初卽位輒置太傅錄尙書事薨則省

胡廣注曰猶古桓彖宰總已之義

帝踐祚已加元服不復置傅但令太尉胡廣司徒趙戒

領尙書事至靈帝復以陳蕃爲太傅與廣參錄尙書事

魏初置太傅以鍾繇爲之晉宋金章紫綬進賢二梁冠

介幘絳朝服佩山元玉梁後魏北齊後周及唐皆有

宋制見總序

太保

乾隆十二年校刊

職官二

太保古官殷太甲時伊尹為太保周成王時召公為太保漢平帝元始元年始用王莽為之光武中興省魏初不置末年始置太保以鄭冲為之冲字文和位在三司上晉武初踐祚以王祥為太保進爵為公加置七官之職太保所以訓護人主導以德義者也汝南王亮為太宰錄尚書事與太保衛瓘對掌朝政又衛瓘為太保以公就第置長史司馬從事中郎掾屬也章綬佩服冠秩與太傅同梁後魏北齊後周隋及唐皆有之天寶已前唯以其官贈竇季謀

宋制見總序

太宰

太宰於殷為六太於周為六卿亦曰冢宰周武王時周公始居之掌建邦之治秦漢魏並不置平帝加王莽號曰宰衡晉初依周禮備置三公三公之職太師居首以景帝名師故置太宰以代之而以安平獻王孚居焉增掾屬十人蓋為太師之互名非周冢宰之任也何曾為太宰朝會乘輿入朝劍履上殿如蕭何田千秋鍾繇故事又安帝以太宰瑯琊王德文不宜撓拂事務以紆論道之重可袞冕之服綠蓋綬羽葆蓋音戾蓋綠也以綠為質蓋草名也宋大明中用出瑯琊平昌縣似艾可染綬因以為綬名江夏王義恭為之冠綬服秩悉與太傅同至齊以為贈梁初有之至陳又以為贈有事則權兼之後魏初無至孝莊時以太尉上黨王天穆為之增置佐吏北齊無聞

後周文帝又依周禮建六官遂置天官大冢宰卿是掌
邦治以建邦之六典佐皇帝治邦國自隋而無
宋崇寧時蔡京得政乃言僕臣之賤非宰相所宜稱於
是改左僕射為太宰右僕射為少宰靖康末詔宰臣依
舊為左右僕射

太尉

太尉秦官

月令曰孟夏太尉贊雊傑自上

漢因之

應劭漢官

謂太尉為周官非也鄭元注月令亦曰秦官

金印紫綬掌武事漢文三年省

景帝三年復置其尊與丞相等

丞相衛綰病免上議置丞相太尉藉福說田蚡

曰上以將軍為丞相必讓竇嬰嬰為相將軍必為太尉太尉相尊等耳又有讓賢名蚡從之皆如其謀蚡音扶

粉五年又省元狩四年更名大司馬

大司馬說在本篇

後漢建

武二十七年復舊名為太尉公每帝初即位多與太傅

同錄尚書事府門無闕

論者云王莽以大司馬篡盜神器故貶其闕

掌四方

兵事功課歲盡則奏其殿最而行賞罰凡郊祀之事掌

亞獻大喪則告諡南郊凡國有大造大疑則與司徒司

空通而論之國有過事與二公通諫諍之靈帝末以劉

虞為大司馬而太尉如故自此則大司馬與太尉始並

置矣

劉寵字祖榮遷太尉以日食免又第五倫為會稽太守署鄭弘為都郵舉孝廉及弘為太尉而倫為

司空位在每朝見弘曲躬自卑帝知其故遂置雲母屏風分隔其間由此以為故事又陳蕃拜太尉臨朝嘆

曰黃憲若在不先佩印綬後坐辟召非其人策罷魏亦有之王祥字休徵為太尉司馬文王進爵

爲王祥與司徒何曾司空荀顗並詣王顗曰相王尊重
今可相率而拜祥曰相國勢位誠爲尊貴然要是魏之
宰相吾等魏之三公公王相去一階而已班列大同安
有天子三公可輒拜人者邪損魏朝之美虧晉王之德
君子愛人以禮吾不爲也及入何曾荀顗遂拜祥太
獨長揖文王謂祥曰今日然後知君見顧之重也
尉進賢三梁冠介幘絳朝服金章紫綬佩山元玉若郊
廟冕服七旒元衣纁裳七章宋制武冠山元玉齊制九
旒後魏初與大將軍不並置正光之後亦皆置焉歷代
唯後周無其餘皆有悉爲三公

宋循歷代之制以太尉與司徒司空並爲三公政和時
罷之復周制以太師太傅太保爲三公少師少傅少保
爲三孤以太尉本秦主兵官定爲武階之首正一品在

節度使之上建炎三年劉光世始以檢校太保除自後
或以檢校三少或以節度使不帶檢校皆徑進太尉則
進使相是爲除授之序依兩府恩數

石林葉氏曰漢高祖元年以蕭何爲丞相周苛爲
御史大夫五年而後始命盧縮爲太尉縮王燕後
以命周勃尋省蓋是時高祖方自征伐武事不以
屬人亦不必設官也文帝元年周勃遷右丞相以
薄昭爲車騎將軍宋昌爲衛將軍而不置太尉蓋
自代來未敢以兵權委漢廷舊臣故以其腹心分
領之耳自是虛太尉者二十六年七國反景帝以

周亞夫擊之始復以亞夫爲太尉兵罷亦省又十三年而武帝以命田蚡一年復省又二十一年乃以大將軍衛青驃騎將軍霍去病爲大司馬各冠其將軍卽太尉也蓋方有四夷之功故爾自去病青死又十九年而霍光以奉車都尉爲大司馬大將軍以此考之太尉官自高祖以來有事則置無事則省不以爲常也蓋漢雖設太尉總兵而左右前後及因事置名以爲將軍者不一豈固不欲以兵權屬一官邪觀高祖命盧縮武帝命衛霍非親卽舊其意可知矣

司徒

司徒古官少皞祝鳩氏爲司徒

司徒主也徒衆也

堯時舜爲司徒

舜攝帝位命高爲司徒高元孫之子曰微亦爲夏司徒

周時司徒爲地官掌邦教

毛詩緇衣篇美鄭武公也父子相繼爲周司徒能善於其

職秦置丞相省司徒漢初因之哀帝元壽二年罷丞相

置大司徒後漢大司徒主徒衆教以禮義凡國有大疑

大事與太尉同

蔡質漢儀曰司徒府與蒼龍闕對厭於尊者不敢號府應劭曰此不然丞相舊

位在長安時有四出門隨時聽事明帝東京本欲依之迫於太尉司空但爲東西門耳每國有大議天子車駕

親幸建武二十七年去大爲司徒公

鄧禹爲大司徒封侯年二十四靈帝

其府賣官廷尉崔烈入錢五百萬以買司徒

其拜日天子亦臨軒時人謂烈爲銅臭建安末爲相國

魏黃初元年改為司徒華歆字子魚為司徒家無擔石之儲詔曰司徒國之儁老今大

官重膳而司徒蔬食甚無謂也特賜歆及妻男等衣服晉司徒與丞相通職更置

迭廢未嘗並立永嘉元年始兩置焉王衍為司徒東海王越為丞相始兩

置也陳壽為司徒仰理萬幾俯澄邦教又王戎字濬仲為司徒高選長史西曹掾委任責成常得無為又蔡謨

字道明遷司徒謨固讓曰若我作司徒將為後世哂義不敢拜詔數十下謨表章十餘上陳以疾篤帝臨軒自

且至申而徵不至公卿以蔡公傲無人臣之禮奏送謨廷尉謨率子弟詣闕稽顙詔免為庶人謨每歎曰若使

劉王喬得南渡司徒之美宋制司徒金章紫綬進賢三

選也王喬名疇少有重名梁冠佩山元玉掌治民事郊祀則省牲視滌濯大喪安

梓宮凡四方功課歲盡則奏其殿最而行賞罰亦與丞

相並置齊司徒之府領天下州郡名數戶口簿籍梁罷

丞相置司徒歷代皆有至後周以司徒為地官謂之大

司徒卿掌邦教職如周禮隋及唐復為三公

宋仍唐制政和二年罷詳見總序

司空

司空古官孔安國曰司空主穿土以居人少皞鳩鳩氏

為司空舜攝帝位以禹為司空周禮正義曰禹自司空

為共工虞書曰垂作共工益作朕虞是也禹元孫之子曰冥亦為夏司空殷

湯以咎單為司空周禮司空為冬官掌邦事秦無司空

置御史大夫漢初因之至成帝綏和元年始更名御史

大夫曰大司空初改為司空議者又以縣道官有獄司

空故復加為大司空亦所以別小大之

也文金印紫綬祿比丞相建平二年復為御史大夫元壽

二年復為大司空何武字君卿為司空事後母不篤詔冊免之又彭宣字子佩為大司空而

王莽為大司馬專權宣上書曰三公鼎足承君一足不任則覆亂矣臣老病願上印綬後漢初為

大司空建武二十七年去大為司空公第五倫字伯魚為司空奉公不

撓言議果決以貞自稱又張敏字伯達為司空行大射禮陪位頓仆冊免又陳寵為司空府故事督屬籍不通

賓客以防交關寵去籍通客以明無所不受論者大之苟氏家傳曰荀爽字慈明董卓秉政徵之起巖穴九十

五日而為司空時凡營城起邑復溝洫修墳防之事則號為白衣登三公

議其利建其功四方水土功課歲課歲盡則奏其殿最

而行賞罰凡國有大造大疑諫諍與太尉同獻帝建安

十三年又罷司空置御史大夫郗慮免不復補荀綽百官志曰

獻帝置御史大夫職魏初又置司空冠綬及郊廟之服如司空不領侍御史

與太尉同鄭袤字林叔為司空天子臨軒遣就第拜授袤謂使曰魏以徐景山為司空徐公曰三公

上應天心苟非其人實傷和氣固辭見許袤莫候反宋制進賢三梁冠佩山元玉

掌治水土祠祀掌掃除樂器大喪掌將校復土歷代皆有之至後周為冬官謂之大司空卿

掌邦事以五材九邦國大祭祀行洒掃隋及唐復為三公天寶十三載冊廟社四望則奉豕牲拜楊國忠為司空其日

宋仍唐制政和二年罷

大司馬

大司馬古官也掌武事司主也少皞有鳴鳩氏為司馬

乾隆十二年校刊

職官二

宋仍唐制政和二年罷

大司馬

大司馬古官也掌武事司主也少皞有鳴鳩氏為司馬

乾隆十二年校刊

鳴音堯時棄為后稷兼掌司馬周官司馬為夏官掌邦

政項羽以曹咎周殷並為大司馬楚大司馬景舍帥軍代蔡蔡侯奉社稷而

歸之楚發其賞舍辭曰發誠布令而敵退是王威也相攻而敵退是將威也戰而敵退是眾威也臣不宜以眾

威受賞又司馬穰苴本姓田齊威王以漢初不置武帝古司馬法而附穰苴因號為司馬穰苴

元狩四年初罷太尉置大司馬以冠將軍之號冠者加於其上

為一官也霍光以大司馬大將軍輔政武帝又令大將軍驃騎將軍皆有大司馬之號宣帝地節

三年置大司馬不冠將軍亦無印綬官屬霍禹為大司馬冠小冠無

綬印成帝綏和元年初賜大司馬金印紫綬置官屬祿比

丞相去將軍哀帝建平二年復去大司馬印綬官屬將

軍如故元壽二年復賜大司馬印綬置官屬去將軍位

在司徒上漢律丞相大司馬大將軍俸錢月六萬始置時議者以漢有軍

候千人司馬官故加大王莽居攝以漢乃無小司徒而

定司馬司空之號並加大後漢光武建武二十七年省

大司馬以太尉代之故常與太尉迭置不並列吳漢為大司馬

封舞至靈帝末始置焉魏文帝黃初二年復置大司馬

以曹仁居之而太尉如故則太尉大司馬大將軍各自

為官位在三司上吳有左右大司馬晉定令亦在三司上晉諸公贊

日義陽王為太尉大司馬時父子為太宰父子居上公中代以來未之有也又汝南王亮為大司馬正旦大會

乘車入殿又陳騫為大司馬賜袞冕之服武冠絳朝服金章紫綬佩山元玉

與大將軍同宋時唯元嘉中用彭城王義康為之冠玉

乾隆十二年校刊 職官二 十七

與晉同至齊以為贈梁時置官屬陳以為贈後魏北齊
與大將軍為二大位居三師之下三公之上後周為夏
官謂之大司馬卿掌邦政以建邦國之九法佐皇帝平
邦國大祭祀掌其宿衛廟社則奉羊
牲自隋而無

三孤

周成王立少師少傅少保曰三孤貳公弘化寅亮天地

弼予一人

注孤特也言其卑於公尊於卿周禮孤卿特

皮帛又公之孤四命注九命上公得

秦漢而下省後周

置三孤以貳三公

宋沿唐制置三師以太尉司徒司空為三公至徽宗政

和二年詔司徒司空周六卿之官非三公之任乃今之
六曹尚書是也太尉秦官居主兵之任亦非三公太尉
司徒司空並罷依周制立三孤之官乃次輔之任或稱
三少為次相之任餘見三公總序

總叙三公三師以下官屬

三師

太師太傅太保

一太

殷建官有六太其一曰太宰

則三公

太尉司徒司空

二大

大司馬大將軍

諸位從公

諸將

軍及光祿大夫開府

官屬等

歷代亦有之

置司直長史後改丞相為司徒則曰司徒司直長史具

相其太尉後改爲大司馬綏和初始置長史一人掾屬

二十四人御屬一人令史二十四人改御史大夫爲大

司空置長史加中丞具御史大夫篇後漢初唯置太傅有長史

一人掾屬十人御屬一人不知何曹後置太師董卓嘗居之

蓋自爲也而不見官屬太尉屬官有長史一人署諸曹

事盧植禮注曰掾吏屬二十四人分主二千石長史遷

如周小宰奏議詞訟郵驛轉運盜賊罪黃閣主簿省錄衆事掌

法兵貨幣鹽鐵倉穀等事閣下威儀記

室令史掌上章表報後漢末陳琳阮瑀皆御屬掌爲公

儀威司徒屬官有長史一人掾屬三十一人令史及御屬

三十六人正曰掾副曰史陳寵辟司徒鮑昱府是時三

府掾屬專尚交遊以不肯親事爲高寵獨勤

心物務轉爲辭曹專掌天下獄訟時司徒辭訟久者數

十年事類溷錯易爲輕重寵爲昱撰辭訟比七卷決事

科條皆以事相從昱奏上司空屬官長史一人掾屬二

十九人令史及御屬三十二人正曰掾副曰屬漢書注

命者也或曰漢初掾史辟皆上言之故有秩皆比命士

其所不言則爲百石屬其後皆自辟除故通爲百石云

其大司馬屬官並同前漢魏置太傅太保而不見官屬

太尉司徒司空有長史司馬從事中郎正行參軍大司

馬亦有正行參軍也晉有太宰太傅太保唯楊駿爲太

傅增祭酒爲四人掾屬二十人兵曹爲左右也楊駿輔

岳爲太太宰太保官屬不見太尉司徒司空並有長史

司馬太尉雖不加兵者吏屬皆絳服泰初三年又置太

尉軍參軍六人騎司馬五人官騎十人而司徒加置左
長史長差次九品銓衡人倫冠綬與丞相長史同主簿
左右東西曹掾各一人若有所循行者增置掾屬十人
武帝時司徒奏州郡農桑未有賞罰之制宜遣掾屬循
行詔遂使司徒督察州郡播殖若有所循者增掾屬十
人又溫嶠請司徒置田初王渾字元遷司徒仍加兵渾
曹屬州一人勸課農桑
以司徒文官主吏不持兵及吏屬絳衣自以非是舊典
皆令皂服論者美其謙而識理司空府加置導橋掾一
人餘畧同後漢咸寧初詔以前太尉府為大司馬府增
置祭酒二人帳下司馬官騎大車鼓吹左右光祿光祿
三大夫開府者皆為位從公品秩俸賜儀制與諸公同

加兵者增置司馬一人從事中郎二人

劉琨為司空以
盧湛為從事中

郎主簿記室督各一人舍人四人兵鎧士曹營軍刺姦

帳下都督外都督令史各一人

主簿以下令史
以上皆絳服

司馬給

吏卒如長史從事中郎給侍二人主簿記室都督各給

侍一人其餘臨時增崇者則褒加各因其時為節文不

為定制

其祭酒掾屬白蓋小車七輅車施耳後戶皂輪
犢車各一乘自祭酒以下令史以上皆皂零辟

朝服其為持節都督者增參軍為六人其餘如常加兵公

制

孫楚字子荆為佐著作郎參石苞驃騎軍事楚既負
其才氣頗侮易苞初至揖曰天子命我參卿軍事初

參軍不敬府主楚既輕苞遂制施敬自楚始也宋有太傅太保太宰太尉司徒

司空大司馬諸府皆有長史一人將軍一人又各置司

馬一人而太傅不置長史掾屬亦與後漢畧同自江左
以來諸公置長史倉曹屬東西閤祭酒各一人主簿舍
人二人御屬二人令史無定員領兵者置司馬一人從
事中郎二人參軍無定員加崇者置左右長史司馬從
事中郎四人掾屬四人則倉曹增置屬戶曹置掾加崇
極於此也其司徒府若無公唯省舍人其府常置其職
僚異於餘府有左右長史東西曹掾屬餘則同矣餘府
有公卽置無則省齊有太宰大司馬並爲贈官無僚屬
太尉司徒司空是爲三公特進位從公諸開府儀同三
司位從公開府儀同如公凡八督府置位長史司馬一

人諮議參軍二人諸曹有錄事功曹記室戶曹倉曹中
直兵外兵騎兵長流賊曹城局法曹田曹水曹鎧曹集
曹右戶十八曹局曹以上署正參軍法曹以下署行參
軍各一人其行參軍無署者爲兼員其公府佐吏則從
事中郎二人倉曹掾戶曹屬東西閤祭酒各一人主簿
舍人御屬二人加崇者則左右長史四中郎掾屬並增
數其未及開府則置亦有佐吏其數有減小府無長流
置禁防參軍初晉令公府長史著朝服自宋大明以來

著朱衣

齊王儉爲司徒左長史請依晉令復舊制不著朱衣時議不許又曰王秀之常云位至司徒左

長史可以知止足矣又陸慧曉爲司徒右長史謝朓爲左長史府公竟陵王子良謂王融曰我府二上佐前代

乾隆十二年校刊

職官二

三

誰可比融曰兩賢同侍未有前例梁武受命之初官班多同宋齊之舊

有丞相太宰太傅太保大司馬太尉司徒司空開府儀

同三司等官諸公及位從公開府者置官屬有長史司

馬諮議參軍掾屬從事中郎記室建安王為雍州表求管記以江革為征北

記室參軍革弟觀又為參軍兼記室任昉曰文房之任總卿兄弟故歷代皆為文士之華選云主簿列

曹參軍行參軍舍人等官其司徒則有左右二長史褚

字仲寶為司徒左長史加又增置左西掾一人自餘僚

佐同於二府有公則置無則省而司徒無公唯省舍人

餘官常置開府儀同三司位次三公左右光祿大夫優

者則加之曰三公置官屬陳三師二大並為贈官而無

僚屬其三公有府長史司馬諮議參軍從事中郎掾曹

屬主簿祭酒錄事記室正參軍板參軍後魏三師無官

屬後又置太宰以元天穆為之增置佐吏三公及二大

並有長史司馬諮議參軍從事中郎掾屬主簿錄事參

軍功曹記室戶曹中兵等參軍諸曹行參軍祭酒參軍

事長兼行參軍督護其太尉司徒與二大屬官階同唯司空府官每降一階北齊

三師二大三公各置長史司馬諮議參軍從事中郎掾

屬主簿錄事功曹記室戶曹倉曹中兵騎兵長流域局

刑獄等參軍事東西閣祭酒及參軍事法墨田水鎧集

士等曹行參軍督護等員司徒則加左右長史長史主司馬主舍

乾隆十二年校刊 職官二

人主閣內事皆自秦官也從事中郎從事中郎漢末官也陳湯為大將軍王鳳從事

中郎在主簿上所掌秩與長史同掾屬主諸曹事主簿所主與舍人同祭酒所主亦同令史

主諸曹文書此皆自漢官也陳湯為大將軍王鳳從事中郎是也御屬參軍自

後漢孫堅參驃騎軍事是也其儀同三司如開府者亦

置長史以下官屬而減記室倉城屬田水鎧士等七曹

各一人其品亦下三公府一階其三師二大佐吏則同太尉府也後周以太師太傅

太保為三公而不見僚屬隋三師亦不見官屬而三公

依北齊置府僚後省府及僚佐置公則坐於尚書都省

朝之眾務總歸於臺閣唐三師三公並無官屬

宋亦如之

文獻通考卷第四十八

乾隆十二年校刊

職官二

三

文獻通考卷第四十九

鄱陽馬端臨貴與著

職官考三

宰相

黃帝得六相而天地治神明至黃帝得蚩尤而明天道

龍而辨東方得祝融而辨南方得風后虞舜臣堯為堯

而辨西方得后土而辨北方謂之六相虞舜臣堯為堯

舉八愷倉舒隤鼓禱戴大臨雁降庭堅仲容叔達為八

回切數使主后土后土地以揆百事莫不時叙地平天

成揆度成舉八元伯奮仲堪叔獻季仲伯虎使布五教

於四方內平外成內諸夏謂之十六相亦曰十及殷成

乾隆十二年校刊

職官三

湯居亳初置二相以伊尹仲虺為之

伊尹號為阿衡倚也湯左相

伊尹而取平故以為官名仲虺臣名為湯左相武丁得

以諸侯而相天子者也左傳稱居薛為湯左相

傳說爰立作相王置諸其左右武丁殷之高宗也使百

求之於野外得賢相傳說於傳巖之谿周時召公為保

於是禮命立以為佐相使在左右也

周公為師相成王為左右亦其任也秦悼武王二年始

置丞相官以樗里疾甘茂為左右丞相茂為左莊襄王

又以呂不韋為丞相及始皇立尊不韋為相國則相國

丞相皆秦官又漢官儀云金印紫綬掌丞天子助理萬

機秦初有左右荀悅曰秦本次國命卿二人是至二世

復有中丞相二世時右丞相去疾左丞相斯及斯被誅

漢高帝即位一丞相綠綬高帝元年拜曹參為假左丞

言一丞相或漢書之誤以蕭何為之及誅韓信乃拜何為相國何

薨以曹參為之孝惠高后置左右丞相文帝二年復置

一丞相丞相月俸錢六萬初陳平為左丞相及誅諸呂

勃乃以勃為右丞相位第一平為左丞相位第二帝因

問勃天下歲決獄幾何勃謝不知問天下錢穀一歲

出入幾何勃又不能對汗出洽背及問平平曰有主者

宰相者上佐天子理陰陽順四時下遂萬物之宜外鎮

四夷諸侯內親附百姓使卿大夫各任其職上善之勃謝病請免相平專為一丞相成帝綏和元

年御史大夫何武建言古者民謹事約國之輔佐必得

賢聖然猶則天三光備三公官三光日月星各有分職今末

俗之弊政事煩多宰相之才不能及古而今丞相獨兼

三公之事所以大化久未洽也宜建三公官定卿大夫之位分職分政以考功效於是上拜曲陽侯王根為大司馬而何武自御史大夫改為大司空皆金印紫綬比丞相則三公俱為宰相漢御史大夫副丞相事若今之同平章事及參知機務之類所以漢書云薛貢韋匡迭為宰相薛宣韋賢匡衡則是丞相而貢禹但為御史大夫又蕭望之謂朱雲曰吾備位將相蓋蕭望之嘗任御史大夫及前將軍之職也至孝哀帝建平二年正月從朱博議復罷大司空大司空朱博奏曰帝王之道不必相襲高祖置御史大夫次丞相與正法度以職相參歷載二百天下安寧今更大司空與丞相同位故事選郡國守相高第為中二千石為御史大夫任職者為丞相位次有序所以重聖德重國相也今中二千石未更御史而為丞相非所以重國政也今願罷大司空以御史大夫元壽二年更名丞相為大司徒夫為百寮長哀帝從之

初漢制常以列侯為相唯公孫弘布衣數年登相位武帝乃封為平津侯其後為故事至丞相而封自弘始也到光武絕不復侯或自以際會援立見封漢儀注曰御史大夫為丞相更春乃封故且賜爵關內侯李奇曰以冬月非封侯故且白事教令稱曰君侯亦謂丞相為上先賜爵關內侯曰足下位為春秋之義尊上公謂之宰言海內無不統上相是也焉故丞相進天子御座為起在輿為下皇帝見丞相起謁者贊稱曰皇帝丞相有病皇帝法駕親至問疾從西門入丞相有疾御問起居百寮亦然後漢三公疾令中黃及瘳視事尚書門問疾魏晉即黃門郎尤重者或侍中令若光祿大夫賜以養牛上尊酒如淳曰律稻米一斗得酒一斗為上尊丙

吉為丞相尚寬大好禮儀掾吏有罪不稱職與長休終
 告無案驗客或曰君侯為漢相姦吏成其私然無所懲
 艾乎吉日夫以三公之府有按吏之名吾竊陋焉因為
 故事公府不按吏自吉始韋賢為丞相年七十餘乞罷
 歸私第丞相致仕自賢始也有天地大變天下大過則
 以病聞有天地大變天下大過皇帝使侍中持節乘四
 白馬賜上尊酒十斛牛一頭策告殃咎使者居半道丞
 相追上病使者還來白事尚書以丞相不起病聞若丞
 相不勝任使者策書駕駱馬即時布衣步出府免為庶
 人若丞相有他過使者奉策書駕騅馬即時步出府
 乘棧車牝馬歸田凡丞相府門無闌不設鈴鼓言其大
 里思過驪京媚切應劭曰丞相舊位在長安時府有四出門
 開無節限也隨時聽事國每有大議天子車駕親幸

後漢廢丞相及御史大夫而以三公綜理眾務則三公
 復為宰相矣前代丞相有倉頭字宜祿至漢代有所關
 至於中年以後事歸臺閣則尚書官為機衡之任至獻

帝建安十三年復置丞相而以曹公居之又有相國魏

黃初元年改為司徒吳有左而文帝復置中書監令並

掌機密自是中書多為樞機之任說在中書令篇其後定制置

大丞相第一品後又有相國齊王以司馬師為之晉景

高貴鄉公以司馬昭為之晉文晉初並不置武帝初安

太宰鄭沖為太傅王祥為太保義陽王子初為太尉何

曾為司徒荀顛為司空石苞為司馬陳騫為大將軍凡

八公同時並置唯無丞相焉至惠帝永康元年改司徒為丞相永寧

元年罷丞相復置司徒官永昌元年罷司徒并丞相則

與司徒不並置矣丞相與司徒其後或有相國或有丞

相省置無恒而中書監令常管機要多為宰相之任自

魏晉以來相國丞相多非尋常人臣之職

晉趙王倫梁王彤成都王

穎南陽王保並為之元帝渡江以王敦為丞相轉司徒荀組為太

尉以司徒官屬并丞相為留府敦不受成帝以王導為

丞相罷司徒府為丞相府導薨罷丞相復為司徒府相

國丞相皆袞冕綠盭綬

盭音吏

宋孝武帝初唯以南郡王

義宣為丞相而司徒府如故亦有相國丞相金章紫綬

進賢三梁冠絳朝服佩山元玉相國則綠元綬也齊丞

相不用人以為贈官梁罷相國置丞相罷丞相置司徒

陳又置相國位列丞相上并丞相並為贈官按自魏晉

以來宰相但以他官叅掌機密或委知政事者則是矣

無有常官其相國丞相或為贈官或則不置自為尊崇

之位多非人臣之職其真為宰相者不必居此官

魏文帝以

劉放孫資為中書監令並掌機密晉武帝詔以荀勗為

中書監侍中毗贊朝政張華為中書令侍中劉卞謂華

曰公居阿衡之地東晉庾亮庾冰相次為中書監先是

王導輔政以寬和得眾庾亮以法裁飭頗失人心至冰

經綸時務升擢後進朝野注心咸曰賢相殷浩為揚州

刺史參綜朝權王敦為大將軍侍中上表曰臣備位宰

輔謝安為中書監錄尚書省事宋文帝初徐羨之為司

空錄尚書事後以江湛王僧綽俱為侍中任以機密後

又以殷景仁為侍中左衛將軍與侍中右衛將軍王華
侍中左衛將軍王曇首侍中劉湛四人俱居門下皆以
風力局幹冠冕一時同時之美近代莫及初王弘為江
州刺史加侍中後徵輔政以為侍中司徒錄尚書事而
弘弟曇首為文帝所任與華相持華常謂己力用不盡
每歎息云宰相頓有數人天下何由得理湛母憂去職
後徵為太子詹事加給事中與殷景仁並被任遇湛常
云今代宰相何難此正可當我南陽郡漢代功曹耳沈

演之為侍中衛將軍文帝謂之曰侍中領衛俱為優重
 此蓋宰相便坐卿其勉之齊王儉為侍中尚書令常謂
 人曰江左風流宰相惟有謝安蓋自况也明帝顧命江
 祏兄弟及始安王遙光尚書令徐孝嗣領軍蕭坦之更
 日貼勅時呼為六貴皆宰相也梁何敬容初為吏部尚
 書侍中時徐勉為僕射參掌機事以疾陳解因舉敬容
 自代故敬容遷為僕射掌選事侍中如故此並為宰相
 後敬容屢轉他官而參掌如故又王訓為侍中又周舍
 敬容曰褚彥回年幾為宰相對曰少過三十帝曰今之
 王訓無謝彥回彥回宋明帝時為侍中又周舍本後朱
 昇為散騎常侍代掌機密北齊韓軌為中書令尋授司
 空自以勲歷登台鉉按此則或掌機密或錄尚書或綜
 機權或管朝政或單侍中或給事中或受顧命皆為宰
 相也然侍中職任機密之司不必他名亦多為宰相其
 侍中兼外官若宋王弘侍中兼內官若沈演之其例不
 少則非宰相蓋在當時委任而已自晉宋以來宰相皆
 文武自逸何敬容獨勤庶務為代所嗤鄙姚察曰魏正
 始及晉之中朝俗尚於元虛貴為放誕尚書丞郎以上
 簿領文案不復經懷皆成於令史逮乎江左此道彌扇
 唯卞壺以臺閣之務頗欲綜理阮孚謂之曰卿常無閒

暇不乃勞乎宋代王敬弘身居端右未嘗省牒風流相
 尚其流遂遠觀白署空是稱清貴恪勤匪懈終滯鄙俗
 是使朝經廢於上眾職隳於下小人道長抑此之由也
 嗚呼傷風敗俗而使何敬容之識理見譏薄俗者哉
 後魏舊制有大將軍不置太尉有丞相不置司徒自正
 光以後俱始置之神瑞元年置八大人官然而尤重門
 下官多以侍中輔政則侍中又為樞密之任矣說在侍中篇

北齊乾明中置丞相河清中中分為左右各置府僚統天
 三年以太宰段韶為左丞相太師賀拔仁為右丞然而
 相又斛律金斛律光並由右丞相轉拜為左丞相然而
 而為宰相秉朝政者亦多為侍中趙彥琛元文遙和士
 中後周大象宰亦其任也其後亦置左右丞相大象二

年以楊堅為大丞相遂罷左右丞相官隋有內史納言

卽中書令侍中也
楊素爲右僕射與高潁專掌朝政

是爲宰相亦有他官參與焉

柳述爲兵部尚書參與機事又

按自後漢時雖置三公而事歸臺閣尚書始爲機衡之任然當時尚書不過預聞國政未嘗盡奪三公之權也至魏晉以來中書尚書之官始真爲宰相而三公遂爲具員其故何也蓋漢之典事尚書中書者號爲天子之私人及叔季之世則姦雄之謀篡奪者亦以其私人居是官而所謂三公者古有其官雖鼎命將遷之時大權一出於私門然三公未容遽廢也故必擇其老病不任事依違不侵

權者居之東漢之末曹公爲丞相而三公則楊彪趙溫尚書令中書監則二荀華歆劉放孫資之徒也魏之末司馬師昭爲丞相而三公則王祥鄭冲尚書令中書監則賈充荀勗鍾會之徒也蓋是時凡任中書者皆運籌帷幄佐命移祚之人凡任三公者皆備員高位畏權遠勢之人而三公之失權任中書之秉機要自此判矣至丞相一官西漢廢於哀帝之時東漢本不置丞相建安特置之以處曹操魏本不置丞相正始特置之以處司馬師昭及晉則不置正符堅所謂朕以龍驤建業之說也

然東晉以至宋齊梁陳隋皆有之夫中書監既爲宰相之任則升其品秩可也丞相既不爲宰相之任而嘗爲擅代之階則廢其名字可也今觀魏以後之官品中書監僅爲三品而黃鉞大將軍大丞相諸大將軍則爲一品二品然此數官者未嘗以授人特宋齊梁陳隋將受禪則居之此外則王敦桓溫侯景亦嘗爲之夫高官極品不以處輔佐之臣而又存其名字使亂臣賊子遞相承襲以爲竊取大物之漸非所以昭德塞違明示百官也

唐世宰相名尤不正初唐因隋制以三省之長中書令

侍中尚書令共議國政此宰相職也其後以太宗嘗爲尚書令臣下避不敢居其職由是僕射爲尚書省長官與侍中中書令號爲宰相其品位既崇不欲輕以授人故常以他官居宰相職而假以他名自太宗時杜淹以吏部尚書參議朝政魏徵以祕書監參預朝政其後或曰參議得失參知政事之類其名非一皆宰相職也貞觀八年僕射李靖以疾辭位詔疾小瘳三兩日一至中書門下平章事而平章事之名蓋始起於此其後李勣以太子詹事同中書門下三品謂同侍中中書令也而同三品之名蓋起於此然二名不專用而他官居職者

猶假他名如故自高宗已後爲宰相者必加同中書門下三品雖品高者亦然惟三公三師中書令則否其後改易官名而張文瓘以東臺侍郎同東西臺三品同三品入銜自文瓘始永淳元年以黃門侍郎郭待舉兵部侍郎岑長倩等同中書門下平章事平章事入銜自待舉等始自是以後終唐之世不能改初三省長官議事於門下省之政事堂其後裴炎自侍中遷中書令乃徙政事堂於中書省開元中張說爲相又改政事堂號中書門下列五房於其後一曰吏房二曰樞機房三曰兵房四曰戶房五曰刑禮二房分曹以主衆務焉宰相事無

不統故不以一職名官自開元以後常以領他職實欲

重其事而反輕宰相之體故時方用兵則爲節度使時

崇儒學則爲大學士時急財用則爲鹽鐵轉運使又其

甚則爲延資庫使至於國史太清宮之類其名頗多皆

不足取侍中中書令是真宰相其餘但加同中書門下三品及平章事知政事參知機務等名者皆是

自先天之前其員頗多景龍中至十餘人開元以來常

以二人爲限或多則三人武太后聖歷三年四月勅同中書門下三品平章事賜會

並同中書門下三品例開元十年十一月勅自今以後中書門下宜共食實封三百戶二十二年十一月制宰相兼官者並

兩給俸祿天寶十五載之後天下多難勳賢並建故

備位者衆然其秉鈞持衡亦一二人而已舊例起居舍人及起居郎

唯得對仗承旨仗下之後謀議不得聞武太后時文昌
右丞姚璿以為帝王謨訓不可無紀若不宣自宰相史
官無從而知表請仗下所言軍國政要則宰相一
人撰錄每月封送史館謂之時政記自璿始也

德宗時常袞為相奏貶中書舍人崔祐甫為潮州刺
史上以為太重貶祐甫河南少尹初肅宗之世天下
務殷宰相常有數人更直決事或休沐各歸私第詔
直事者代署其名而奏之自是踵為故事時郭子儀
朱泚雖以軍功為宰相皆不預朝政袞獨居政事堂
代二人署名奏祐甫既貶二人表言其非罪上問卿
向言可貶今云非罪何也二人對初不知上初即位
以袞為欺固大駭乃貶袞為潮州刺史以祐甫為門

下侍郎同平章事

宋承唐制以同平章事為宰相之職無常員有二人則
分日知印以丞郎以上至三師為之其上相為昭文館
大學士監修國史其次為集賢殿大學士或置三相則
昭文集賢兩學士并監修國史並除焉國初范質昭文
學士王溥監修
國史魏仁浦集賢學士此三相例也唐
以來三大館皆宰臣兼之宋仍唐制參知政事掌副

宰相毗大政參庶務其除授不宣制不押班不知印不
預奏事不升政事堂殿庭別設磚位於宰相後及勅尾

署衙降宰相一等乾德二年以趙普為相上欲為普置
副而難其名稱問陶穀下丞相一等

何官穀引唐參知政事為對時薛居正為樞密直學士
呂餘慶為兵部侍郎乃命二人以本官兼不宣制押班

蓋未欲遽令與普齊也史臣曰按唐參預朝政參知政事等職皆宰相任也高宗嘗欲用郭待舉參知政事復以其資淺止令同承受平章事則平章亞於參政矣穀言失之至道元年詔宰相與參

政輪班知印同升政事堂二年詔復如舊制參政押勅齊衙行並

馬自冠準始至今不易親王樞密使留守節度使兼中書令侍中

同平章事者謂之使相不預政事不書勅惟宣勅除授

者勅尾存其銜而已乾德二年范質等三相皆罷以趙普同平章事李崇矩為樞密使命

下無宰相書勅使問翰林陶穀穀謂自昔輔相未嘗虛位唯唐太和甘露事數日無宰相時左僕射令狐楚

等奉行制書今尚書亦南省長官可以書勅寶儀曰穀所陳非承平令典今皇弟開封尹同平章事即宰相之

任也可書勅上從之神宗新官制於三省置侍中中書尚書二令

而不除人而以尚書令之貳左右僕射為宰相左僕射

兼門下侍郎以行侍中之職右僕射兼中書侍郎以行

中書令之職復別置中書門下侍郎尚書左右丞以代

參知政事中書揆而議之門下審而覆之尚書承而行

之獨中書取旨而門下尚書之官為首相者不復與朝

廷議論時王珪蔡確俱為宰相確奏三省長官位高恐不須設遂以兩僕射行三省事而確為次相專

政珪不復預元祐初司馬光乃請令三省合班奏事分省治

事自紹興以後皆因之時議者謂門下相凡事既同進

呈則不應自駁已行之命是省審之職可廢也政和中

改左右僕射為太宰少宰仍兼兩省侍郎靖康中復為

左右僕射焉建炎三年呂頤浩請參酌三省之制舊尚

書左僕射今欲尚書左僕射同中書門下平章事舊尚書右僕射今欲尚書右僕射同中書門下平章事門下中書二侍郎並改爲參知政事廢尚書左右丞從之至乾道八年詔尚書左右僕射可依漢制改作左右丞相詳定勅令所言近承認旨改左右僕射爲左右丞相令刪去侍中中書尚書令以左右丞相充緣舊左右僕射非三省長官故爲從一品今左右丞相係充侍中中書尚書令之位卽合爲正一品從之丞相官以太中大夫以上充參政以中大夫以上充常除二員或一員嘉泰三年始除三員故事丞相謁告參預不得進擬惟丞相

未除則參預輪日當筆多不踰年少纔旬月獨淳熙初葉衡罷相龔茂良行相事近三年亦創見也

按以三省爲宰相之司存以三省長官爲宰相之職任其說肇於魏晉以來而其制定於唐然中書尚書之名始於漢通典言漢武帝遊宴後庭始令宦者典事尚書爲之中書謁者則中書尚書只是一所然考霍光傳光薨霍山以奉車都尉領尚書事故事諸上書者皆爲二封署其一曰副領尚書者先發之所言不善屏去不奏魏相請去副封以防壅蔽而光夫人顯及禹山雲等言上書者益黠

盡奏封事輒下中書令出取之不關尚書則其時
中書尚書似已分而爲二蓋尚書在漢時乃御前
管文書之所故漢人上書言昧死上言尚書如丞
相大將軍已下連名奏太后廢昌邑王亦是尚書
令讀奏武帝雖令宦者典其事然其末年以霍光
出入禁闈謹慎可屬大事輔少主則以光領之光
薨而山繼領其事蓋旣以大臣之秉政者領之則
其事始在外庭矣然則所謂上書者爲二封意正
本則徹中書而人主閱之副封則徹尚書而大將
軍閱之自此始判而爲二而有內外之分此顯禹

所以有中書令出取之不關尚書之說歟霍氏旣
敗張安世復以大司馬車騎將軍領尚書事史言
安世職典樞機謹慎周密每定大政已決輒移病
出聞有詔令乃驚使使之丞相府問焉蓋霍光領
尚書之時丞相乃蔡義楊敞也張安世領尚書時
丞相乃魏相丙吉也是時尚書雖在外庭以腹心
重臣領之然於宰相並無干預此安世所以密議
大政及出詔令而佯爲不知遣使問之丞相府則
丞相府乃宣行尚書所議之政令耳而尚書非丞
相之司存也

漢丞相府有東曹西曹爲處掾屬
議政令之地於尚書並無干預至

魏明帝常卒至尚書門陳矯爲尚書令跪問欲何
之帝曰欲案行文書然則魏時尚書猶去禁中不
遠及唐初始定制以三省爲宰相之司存以三省
長官爲宰相之職任然省分爲三各有所掌而其
官亦復不一相職旣尊無所不統則不容拘以一
職於是始有同中書門下三品同平章事參知機
務參預政事之名焉諸名之中所謂同平章事者
唐初雖以稱宰相乃以處資淺之人在參知政事
之下見前參
政注中世以後則獨爲眞宰相之官至宋
元豐以前皆然然宰相者總百官弼天子旣不當

儕之他官而其上則不當復有貴官矣自唐開元
以來郭子儀李光弼相繼以平章事爲節度使謂
之使相而宰相之職儕於他官自此始自宋元祐
以後文潞公呂申公相繼以平章軍國重事序宰
臣上而宰相之上復有貴官自此始然郭李以勲
臣名將爲之宜也自此例一開於是田承嗣李希
烈之徒俱以節鎮帶同平章事者非一人極而至
於王建馬殷錢鏐之輩蠶起盜地者皆欲效之蓋
鄙他官而不爲而必欲儕於宰相以自附於郭李
則唐中葉以後所謂平章者如此文呂以碩德老

臣為之宜也自此例一開於是蔡京王黼相繼以太師總知三省事三日一朝赴都堂治事以至於韓侂胄賈似道擅權專政之久者皆欲效之蓋卑宰相而不屑為而必求加於相以自附於文呂則宋中葉以後所謂平章者如此蓋平章之始立名也本非甚尊之官及其久也則強藩之竊地者為之權臣之擅政者為之蓋雖官極尊而居之者多非其人矣

宰相屬官

丞相司直漢武帝五年置掌佐丞相舉不法位在司隸

校尉上翟方進為司直旬歲間免兩司隸旬歲猶言滿歲若十日之

一後漢罷丞相光武以武帝故事置司徒司直居司徒

府助司徒督錄諸州郡所舉上奏司直考察能否以徵

虛實建武十一年省獻帝建安八年復置司直不屬司

徒掌督中都官不領諸州九年詔司直皆比司隸校尉

坐同席在上假傳置也伏湛字惠公光武以湛才任後

無石勒置都部從事各部一

丞相長史漢文帝二年置一丞相有兩長史漢百官表云丞相有

也兩長史而張湯傳云殺臣者三長史也顏師古云兼有守者非正員故耳蓋諸史之長也職

無不監田仁為宰相長史上書言天下太守皆下吏介

乾隆十二年校刊

職官三

十五

幘進賢一梁冠朱衣銅印黃綬劉屈氂為左丞相分丞相長史為兩府以待天下遠方之選待得賢人當拜為右丞相後漢

建武中省司直有長史一魏武為丞相置左右長史

丞相諸曹吏掾屬三十御屬一獻帝建安中魏武為丞

相置徵事二人建安十五年初置徵事二人以邴原王烈選補之舊有東西曹

自魏武大軍還鄴乃省西曹時毛玠為東曹掾與崔琰並典選舉請謁不行時人

憚之及議併省咸欲省東曹皆曰舊西曹為上東次之宜省東曹也魏武知其情令曰日出於東月盛於西凡人言方亦復先

東遂省西曹及咸熙中司馬昭為相國相國府置中

衛驍騎二將軍左右長史司馬從事中郎主簿舍人參

軍東西曹及戶賊金騎兵車鎧水集法奏倉士馬媒等

曹掾屬凡四十二人晉元帝以鎮東大將軍為丞相丞

相府置從事中郎分掌諸曹有錄事中心郎度支中心郎三

兵中心郎其參軍則有諮議參軍二人主諷議事江左初

置軍諮祭酒有錄事記室東曹西曹等十三曹其後又

置七曹宋武帝為相合中兵直兵置一參軍曹則猶二

也其小府不置長流參軍者置禁防參軍蜀丞相諸葛亮有行參軍晉太傅司馬越府又有行參軍兼行參

軍後漸加長兼字除拜則為參軍事府版則為行參軍晉宋以來參軍各有除版行參軍下則長兼行參軍

又有參軍督護東曹督護二督護江左置

尚書都司隋置左右司郎中各一人掌都省之職唐武

德省貞觀復置掌副左右丞所管諸司事二十三曹呼左右司為都

乾隆十二年校刊
職官三
一六

公龍朔改爲左右承務咸亨中復爲左右司郎中武后
又增員外郎一人

宋熙寧時詔中書五房各置檢正二員在堂後都檢正

一員在五房提點之上元豐五年罷檢正職務分歸中書

舍人給事中左右司郎官未改官制前左右司郎中各

一人員外郎各一人凡四員掌舉諸司之綱紀號爲都

司亦曰左右曹元豐六年諸司置御史房主行彈劾御

史按察失職建炎三年以軍興多事復置檢正二員一

禮刑兵一位序在左右司上四年罷隆興元年詔尚書

省吏兵房三省樞密院機速房尚書省刑戶工房三省

樞密院看詳賞功房尚書省禮房令左右司分房書擬

其中書門下諸房令檢正書擬又有詔左右司郎中各

差一員減罷二員左司書擬吏戶禮機速房右司書兵

刑工賞功房文字後以右司掌刑房事任爲劇乃置二

員餘見尚書左

文獻通考卷第四十九

文獻通考卷第五十

鄱陽馬端臨貴與著

職官考四

門下省

門下省後漢謂之侍中寺

嘉平六年改侍中寺

晉志曰給事黃門

侍郎與侍中俱管門下衆事或謂之門下省至齊亦呼

侍中爲門下領給事黃門侍郎公車太學太醫等令丞

及內外殿中監內外驛騶廐散騎常侍給事中奉朝請

駙馬都尉等官梁門下省有侍中給事黃門侍郎四人

掌侍從儉相盡規獻納糾正違闕監合嘗御藥封璽事

後魏尤重北齊門下省掌獻納諫正及司進御之職有

侍中給事黃門侍郎各六人統左右局左右局掌承尚

食知御膳尚藥主御藥尚衣主御衣服殿中領殿中監察駕前奏

耕則進耜事凡六局隋門下省有納言二人給事黃門

侍郎四人煬帝三人及散騎常侍諫議大夫等官並掌陪從

朝直兼統六局開皇三年罷門下省員外散騎常侍員

煬帝即位加給事員廢帝侍諫議等官又改殿內省隸

門下省唐龍朔二年改門下省為東臺咸亨初復舊至

武太后臨朝光宅初改為鸞臺神龍初復舊聖歷三年

勅賜物中書門下省官正三品唯二品四品五品開元七年八月初勅中書門下厨新料破用外餘有宜分取

開元元年改為黃門省五年復舊有侍中二人黃門侍

郎二人給事中四人左散騎二人諫議大夫四人典儀

二人起居郎左補闕左拾遺各二人城門郎四人符寶

郎四人弘文館校書二人其餘小吏各有差

宋制門下省在正陽門外西面北廊掌受天下之成事

審命令駁正違失受發通進奏狀進請寶印凡中書省

畫黃錄黃樞密院錄白畫旨則留為底及尚書省六曹

所上有法式事皆奏覆審駁之給事中讀侍郎省侍中

審進入被旨畫聞則授之尚書省樞密院即有舛誤應

舉駁者大則論列小則改正凡文書自內降者著之籍

章奏至則受而通進俟頒降分送所隸官司凡吏部擬六品以下職事官則給事中校其仕歷功狀侍郎侍中引驗審實察非其人則論奏凡遷改爵秩加叙勲封四選擬注奏鈔之事有舛誤退送尚書省覆刑部大理寺所斷獄案審其輕重枉直不當罪則以法駁正之國初循舊制以中書門下平章事爲宰相之職復用兩制官一員判門下省事官制行始釐正焉凡官十有一侍中侍郎左散騎常侍各一人給事中四人左諫議大夫起居郎左司諫左正言各一人

元祐初左僕射司馬光上言謹按西漢以丞相總百官而九卿分治天下之事光武中興身親庶務事歸臺閣尚書始重而西漢公卿稍以失職矣及魏武佐漢初建魏國置祕書令典尚書奏事文帝受禪改祕書爲中書有令有監而亦不廢尚書然中書親近而尚書疎外矣東晉以來天子以侍中常在左右多與之議政事不專任中書於是又有門下而中書權始分矣降及南北朝大體皆循此制唐初始合中書門下之職故有同中書門下三品同中書門下平章事其後又置政事堂蓋以中書出詔令門下掌封駁日有爭論紛紜不決故使兩省先於政事堂議定然後

奏聞開元中張說奏改政事堂爲中書門下自是相承至於國朝莫之能改非不欲分也理勢不可復分也向日所謂中書者乃中書門下政事堂也唐末諸司使皆內臣領之樞密使參預朝政始與宰相分權矣降及五代改用士人樞密使皆天子腹心之臣日與議軍國大事其權重於宰相太祖受命以宰相專主文事參知政事佐之樞密使專掌武事副使佐之自是以來百有餘年官師相承中外安帖百司長官及諸路監司諸州長吏皆得專達或申奏朝廷或止申中書樞密院事大則中書樞密院進呈取旨降勅

劄宣命指揮事小則批狀直下本司本路本州本人故文書簡徑事無留滯神宗皇帝以唐自中葉以後官職繁冗名器紊亂欲革而正之誠爲至當然但當據今日之事實考前世之訛謬刪定重複去其冗長必有此事乃置此官不必一依唐之六典分中書爲三省令中書取旨門下覆奏尙書施行凡內降文書及諸處所上奏狀申狀至門下中書省者大率皆送尙書省尙書省下六曹六曹付諸案勘當檢尋文書會問事節近則寺監遠則州縣一切齊足然後相度事理定奪歸着申尙書省尙書省送中書取旨中書

既得旨送門下省覆奏畫可然後翻錄下尙書省尙書省復下六曹方符下諸處以此文字繁冗行遣迂回近者數月遠者踰年未能決絕或四方急奏待報或吏民詞訟求決皆困於留滯又本置門下省欲以封駁中書省錄黃樞密院錄白恐有未當若令舉職則須日有駁正爭論紛紜執政大臣遂成不叶故自置門下省以來駁議甚少又門下不可得直取旨行雖有駁議必須却送中書取旨中書或不捨前見復行改易又內批文字及諸處奏請多降付三省同共進呈則門下之官已經商量奏決若後有駁正則爲

反復近日中書文字有急速者往往更不送門下省然則門下一官殆爲虛設徒使吏員倍多文書繁冗無益於是臣等今衆共商量欲乞依舊令中書門下通同職業以都堂爲政事堂每有政事差除及臺諫官章奏已有聖旨三省同進呈外其餘並令中書門下官同商議簽書施行事大則進呈取旨降勅劄事小則直批狀指揮一如舊日中書門下故事并兩省十二房吏人爲六房同共點檢鈔狀行遣文書若有溢員除揀選留住外並特與減三年出職不及三年應出職者與減磨勘年限若政事有差失委給事中

封駁差除有不當委中書舍人封還詞頭又兩省諫官皆得論列則號令之出亦不爲不審矣如此則政事歸一吏員不冗文書不繁行遣徑直於先帝所建之官並無所變更但於職業微有修改欲令於事務時宜差爲簡便耳

石林葉氏曰本朝沿集唐官制始用六典別尙書門下中書爲三省各以其省長官爲宰相則侍中中書尙書令是也旣又以秩高不除故以尙書令之貳左右僕射爲宰相而左僕射兼門下侍郎以行侍中之職右僕射兼中書侍郎以行中書令之

職而別置侍郎以佐之則三省互相兼矣然左右僕射旣爲宰相則凡命令進擬未有不由之出者而左右僕射又爲之長則出令之職自己身行尙何省而覆之乎方其進對執政無不同則所謂門下侍郎者亦預聞之矣故批旨皆曰三省同奉聖旨旣以奉之而又審之亦無是理門下省事惟有給事中封駁而已未有左僕射與門下侍郎自駁已奉之命者則侍中侍郎所謂省審者殆成虛文也元祐間議者以詔令稽留吏員冗多徒爲重複因有併廢門下省之意後雖不行然事有當奏稟

左相必批送中書左相將上而右相有不同往往或持之不上或退送不受左相無如之何侍郎無所用力事權多在中書自中書侍郎遷門下侍郎雖名進其實皆未必樂也

致堂胡氏曰古者論一相而止至成王時雖以周公位冢宰然亦與召公同相爲左右此尙書之序孔子之言也何者周公不敢自聖獨專相事又將訓後世爲人心不同而大賢難得則參錯并用猶驅車猶植屋兼取衆力相輔相正歸於無失而已矣故自漢以來或置左右丞相或並置三公不拘

一相之文至唐而法意尤密既有左右僕射又有侍中中書尙書兩令左右丞及以官未及而人可用者參預朝政而其大綱則俾中書出令門下審駁分爲二省而尙書受成頒之有司當貞觀之時君明臣忠朝希批政不數年坐致太平其集材並用之效如此諸葛武侯曰參署者集衆思廣忠益也若難相違覆曠闕損矣違覆而得中猶棄弊屨而獲珠玉也嗚呼爲君如太宗爲臣如武侯公心望治可爲後世法也若棄數百年成規合三省爲一以一相專之而官屬如故略無可否見姓署名

是中書門下之名存而基命駁正之實亡矣豈非舞文便私之甚哉

按溫公所言以三省同取旨爲是蓋主於合也致堂所言以三省各振職爲是蓋主於分也其旨似異蓋門下審覆之說始於唐然唐以中書門下爲政事堂則已合而爲一矣但門下省之官有給事中任出納王命之事有散騎常侍左右司諫任諫爭闕失之事皆所謂覆審而貞觀時太宗又命諫官隨宰相入閣議事有失輒諫則門下省無不舉職之官矣坐廟堂者商訂於造命之初毋或擅權

而好勝居糾駁者審察於出令之後不憚糾過以弼違則上下之間始無曠職而三省之設不爲具文固不必爲宰相者各據一省顯分爾汝然後謂之稱其職也蓋元豐官制之行王珪爲首相蔡確爲次相確奏乞以首相兼門下侍郎次相兼中書侍郎其實以唐制有中書造命之說於是奏事取旨皆次相而首相並不得預蓋陰傾珪而奪之權及溫公爲門下侍郎嘗懇確欲數會議各盡所見而確終不許此小人擅權之常態於是門下省又以審覆駁正爲已任若各逞私意以爲舉職則爲

中書長官者執造命之說而必擯門下使不得預
取旨之權門下長官者執審覆之說而必駁中書
已取旨之事則兩省之分所以使之自為讐敵矣
其實兩省屬官既各有司封駁者則都省共同奏
事取旨施行事有不當而後省留黃繳駁乃不易
之法

侍中

侍中者周公戒成王立政之篇所云常伯任以為左右
即其任也漢官曰選於侯伯轉補袞闕言其道可常尊
故曰常伯周禮有太僕干寶注云若侍中
秦為侍中晉志曰黃帝時風后為侍中此皆出於兵家
及讖緯之文不足徵也劉昭釋太尉其義詳

矣本丞相史也使五人往來殿內東廂奏事故謂之侍

中漢侍中為加官凡侍中左右曹諸吏散騎中常侍皆

為加官漢儀注諸吏給事中日上朝所加或列侯將軍

卿大夫將都尉尚書太醫太官令至郎中無員將謂郎
將以下也自

列侯以下至郎中皆得有此加官多至數十人侍中中常侍得入禁中

諸曹受尚書事諸吏得舉法漢侍中冠武弁大冠亦曰

惠文冠加金璫附蟬為文貂尾為飾侍中服則左貂常
侍服則右貂金取

堅剛百鍊不耗蟬取居高食潔貂取外勁捍而內溫潤
此本趙武靈王胡服之制秦破趙得其冠以賜侍中

便繁左右與帝升降舊用儒者然貴子弟榮其觀好至

乃襁抱坐受寵位貝帶脂粉綺襦紈袴鷄冠惠帝時
侍中鷄

鷄冠貝帶傅脂粉張辟疆年十五桑弘羊年十三直侍
並為侍中鷄思俊切鷄魚奇切鷄鷄似鳳皇神鳥

左右分掌乘輿服物下至褻器虎子之屬蘇則與吉茂同隱於太白

山後則為侍中侍中舊親省起居故謂之執虎子茂見則朝日仕進不止執虎子則笑曰誠不能效汝蹇蹇鹿

驅武帝時孔安國為侍中以其儒者特聽掌御唾壺朝

廷榮之本有僕射一人秦漢以侍中功高者一人為僕射後漢光武改

僕射為祭酒或置或否而文屬少府掌贊導眾事顧問

應對桓帝未侍中皇蟬參乘問貂璫何法不知法駕出

則多識者一人負國璽操斬白蛇劍參乘餘皆騎在乘

輦後獻帝即位初置六人贊法駕則正直一人負璽陪

乘大駕出則次直侍中護駕正直侍中負璽參乘不帶劍餘皆騎從殿內門下眾事皆

掌之後選侍中皆舊儒高德學識淵懿仰占俯視切問

近對喻旨公卿上殿稱制秉笏陪見舊在尚書令僕射

下尚書上司隸校尉見侍中執板揖侍中舊與中官俱

止禁中因武帝時侍中馬何羅挾刃謀逆由是出禁外

有事乃召之畢即出王莽秉政侍中復入與中官止禁

中章帝元和中郭舉與後宮通拔佩刀驚上舉伏誅侍

中由是復出外秦漢無定員蔡質漢儀曰員本八人漢官曰無員侍中舍有八區

論者因言員本八人其省門題尚書寺此孝明帝治於東宮尚書模也魏晉以來置四人

別加官者則非數王粲為侍中曹植集贈粲詩曰戴蟬珥貂朱衣皓帶入侍帷幄出擁華蓋

御駕登樓與散騎常侍侍中居左常侍居右備切問近

對拾遺補闕及江左興寧四年桓溫奏省二人後復舊

晉武帝時彭權為侍中帝問侍臣髦頭之義何也權曰秦紀云秦國有奇怪獸觸山截波無不崩潰唯畏髦頭

故使持之以衛至尊也又褚翼字謀遠為侍中蘇峻作亂王師敗績火及宮室手抱天子登太極殿峻兵入叱

翼令下翼不動曰蘇冠軍來觀至尊軍人豈得逼侵宮禁於是兵士不敢上太極殿峻執政猶以為侍中時鍾

雅亦為侍中謀奉天子出投義軍事覺為峻所害又王爽為侍中孝武崩王國寶夜欲開門入為遺詔爽拒之

日皇帝晏駕太子未至輒入者斬國寶懼乃止

侍中漢代為親近之職魏晉選用稍增華重而大意不異

晉任愷字元衷為侍中萬機大小多管綜之愷中正以社稷為己任惡賈克之為人欲久執朝政或為克謀曰愷總門下樞要得與上親接宜啓令典選使得漸疎此

一都令史事耳九流難精間隙易乘克因稱愷才能宜在官人之職即日以愷為吏部尚書由是侍觀轉稀

武冠絳朝服佩水蒼玉舊遷列曹尚書美遷中領護吏

部尚書宋文帝元嘉中王華王曇首殷景仁等並為侍

中情任親密

王華等每與帝接膝共語貂拂帝手拔貂置案上語畢復手插之孝武時侍中何偃

南郊陪乘鑾輅過白門關偃將匍帝反手接之曰朕反陪卿也又宋孝武代選侍中四人並以丰貌王或與謝

莊為一雙阮韜與何偃為一雙常克兼假又謝朓字敬仲宋末為侍中及齊受禪之日朓在直百僚陪位侍中

當解帝璽朓佯不知傳詔曰解璽授齊王朓曰齊自應有侍中乃引枕臥傳詔懼使稱疾朓曰我無疾何可道

遂朝服步出門得車還宅是日遂以王儉為侍中解璽齊高祖曰我若誅之彼遂成名乃廢於家永明中復為

侍中至梁齊侍中功高者稱侍中祭酒其朝會多以美亦為侍中

姿容者兼官

欲以陸慧曉為侍中中以形短小乃止永元三年東昏南郊不欲親朝士以主璽陪乘前代未嘗有

齊有主璽主衣等官梁侍中功高者在職一年詔加侍中祭酒與散騎侍郎功高者

一人對掌禁令此頗為宰相矣

王訓字懷範遷侍中既拜入見武帝問何敬容

日褚彥回年幾為宰相對曰少過三十上曰今之王訓不謝彥回又曰柳慶遠為侍中嘗失火禁中驚懼帝悉歛諸門鑰問柳侍中何在既至悉付之又陳侍中亦如

王峻與謝淪約官至侍中不復謀仕進

梁制後魏置六人加官在其數宜都王穆壽廣平公張

黎並以侍中輔政北齊侍中亦六人後周初有御伯中

大夫二人掌出入侍從屬天官府保定四年改御伯為

納言斯侍中之職也宣帝末又別置侍中為加官隋又

改侍中為納言置二人煬帝大業十二年又改納言為

侍內隋氏諱忠故凡中皆曰內唐初為納言武德四年改為侍中亦

置二人龍朔二年改為左相咸亨元年復舊光宅元年

又改為納言神龍元年復為侍中開元元年又改為黃

門監五年復為侍中天寶元年改為左相至德初復為侍中自隋至

今皆為宰相舊班正三品大歷二年升為從二品按令文掌侍從負寶獻替贊

相禮儀審署奏抄駁正違失監封題給驛券監起居注

總判省事

宋制侍中掌佐天子議大政審中外出納之事大祭祀

則版奏中嚴外辦導輿輅詔升降之節皇帝齋則請就

齋室大朝會則承旨宣制告命成禮祭祀亦如之冊后

則奉寶以授司徒以秩高罕除自建隆至熙寧真拜侍

中纔五人雖有他官兼領而實不任其事官制行以左

僕射兼門下侍郎行侍中職別置侍郎以佐之元豐寄祿為開府儀同三司

容齋隨筆論三省長官見中書令門

侍郎

門下侍郎秦官有黃門侍郎漢因之劉向與子歆書曰今若年少得黃門

侍郎要處也與侍中俱管門下眾事無員郊廟則一人執蓋

臨軒朝會則一人執麾凡禁門黃闥故號黃門其官給

事於黃闥之內故曰黃門侍郎初秦漢別有給事黃門

之職揚雄為給事黃門後漢併為一官故有給事黃門侍郎掌

侍從左右給事中使關通中外及諸王朝見於殿上引

王就座無員屬少府又漢舊儀曰屬黃門令日暮入對青瑣門拜

故謂之夕郎宮闈簿曰青瑣門在南宮衛瓘注吳都賦曰青瑣戶邊青鏤也獻帝初即

位置侍中給事黃門侍郎員各六人出入禁中近侍惟

幄尚書事後改給事黃門侍郎為侍中侍郎去給事黃

門之號旋復故初誅黃門後侍中侍郎出入禁闥機事

頗露由是王允乃奏比尚書不得出入不通賓客自此

始荀悅為黃門侍郎郭況以后弟魏晉以來給事黃門

侍郎並為侍衛之官員四人山公啓事曰黃門侍郎和嶠最有才可為吏部郎詔

日欲令在左右更求其次宋制武冠絳朝服多以中書侍郎為之齊

亦管知詔令呼為小門下梁增品第與侍中同掌侍從

儋相威儀盡規獻納糾正違闕監合嘗御藥封璽書陳

制亦然後魏亦有崔光為黃門侍郎未嘗留心文案唯從容論議參贊大政北齊置

六人所掌與侍中同後周天官府置御伯下大夫二人

武帝改為納言下大夫隨六人屬門下省至煬帝減二

人而去給事之名煬帝初嗣位猶以張衡為給事黃門侍郎初劉行本為黃門侍郎文帝嘗

怒一即於殿前答之行本進諫帝不顧行本乃正當上前日陛下不以臣不肖置臣左右豈得輕臣而不顧乃

置笏於地而退上謝之而原所答者唐龍朔二年改黃門侍郎為東臺侍

郎咸通元年復舊光宅元年改為鸞臺侍郎神龍元年

復舊天寶元年改為門下侍郎至德中復舊舊制正四品至大歷三年又改為

門下侍郎員二人掌侍從署奏抄駁正違失通判省事

若侍中闕則監封題給驛券

宋制侍郎掌二侍中之職省中外出納之事大祭祀則

前導輿輅詔進止大朝會則授表以奏祥瑞冊后則奉

節及寶位與知樞密院同知樞密院中書侍郎尚書左

右丞為執政官元豐官制行以尚書左僕射兼復置門

下侍郎一員以代參知政事中興後宰相罷兼復改門

下侍郎為參知政事

按以宰相而兼他官本非令典唐制所謂反輕宰

相之體是也然時方用兵則兼節度使崇儒學則

為大學士急財用則為鹽鐵轉運使蓋以國家方

重其事而以宰相提綱則下不敢以泛泛之司存
視之猶有說也至於三省則俱爲政本之地無所
不統長官則宰相所謂中書門下同平章事是也
佐官則參知政事是也今元豐改官制既以中書
門下同平章事爲左右僕射參知政事爲中書門
下侍郎尚書左右丞矣而復以左僕射兼門下侍
郎右僕射兼中書侍郎則是既自有佐官而復以
長官兼之贅尤甚矣蓋神宗必欲復唐三省之職
而蔡確以有中書造命之說已爲次相兼中書侍
郎王珪爲首相兼門下侍郎實欲陰擯珪於門下

使不得與造命取旨之事苟以便其專政之私而
不復顧體統名稱之不順也

給事中

給事中加官也秦置漢因之所加或大夫博士議郎掌

顧問應對位次中常侍侍中黃門無員漢官表曰凡侍

散騎中常侍皆加官也諸給事中日上朝謁平尚書奏事分爲左

右曹以有事殿中故曰給事中漢東京省魏代復置或

爲加官或爲正員晉無加官亦無常員在散騎常侍下

給事黃門侍郎上武冠絳朝服宋齊隸集書省梁陳亦

掌獻納省諸聞奏後魏無員北齊亦屬集書省凡六十

人後周天官之屬有給事中士六十人掌理六經給事
左右其後別置給事中在六官之外隋初無至開皇六
年始詔吏部置給事郎凡置八郎說
在爵命篇煬帝乃移吏部給
事郎爲門下之職位次黃門下置員四人以省讀奏案
唐武德三年改給事郎爲給事中後定爲四員龍朔二
年改爲東臺舍人咸亨元年復舊常侍從讀署奏抄駁
正違失分判省事若侍中侍郎並闕則監封題給驛券
前代雖有給事中之名非今任也今之給事中蓋因古
之名用隋之職

宋淳化四年詔給事中凡制勅有所不便準故事封駁
九年詔停給事中始以封駁司隸銀臺元豐官制行給
事中始正其職而封駁司歸門下又詔給事中許書畫
黃不書草著爲令元祐元年門下中書言後省修成所
有省曹寺監條貫以門下中書後省爲名從之六年詔
駁正事赴執政稟議給事中韓忠彥言朝廷之事執政
所行職當封駁則已與執政異當求決於上尚何稟議
之有詔從之紹聖四年葉祖洽言兩省置給舍廟堂設
施得以更相驗今使舍人兼封駁則給事職廢詔特旨
書讀不回避餘令互書元符三年曾肇言門下駁正中
書違失近給事中封駁中書錄黃令舍人書讀墮壞官

制宣和元年張叔夜言命令之出中書宣奉門下審讀尚書頒行而密院被旨亦錄付門下省神宗制也今急速文字不經三省諸房以空黃先次書讀則審讀殆成虛設乞立法禁從之元豐寄祿爲通議大夫建炎間因舊制置門下後省以給事中爲長官四員爲額紹興二年年韓世忠賞功文字給事中賈安宅除工部侍郎門下後省闕官乃詔檢正李與權書讀此事亦前所未有岳氏愧郊錄曰唐李藩在瑣闥以筆塗詔謂之塗歸國朝嚴重此制銀臺旣設封駁二字亦許繳奏元豐改官名門下省則有給事中中書省則有中書舍人然中興以後三省合爲一均爲後省封還

或同衙則曰未敢書讀書行否則析之其辭止此而已珂按典故元祐四年五月乙酉權給事中梁燾繳蒲宗孟知虢州及胡宗回范鍔孫升杜天經等放罪罰金指揮其駁文皆曰所有錄黃謹具封還伏乞聖慈特付中書省別賜取旨施行語意乃與今異以時考之蓋官制旣行分省治事謹審覆揆議之訓故其制如此耳然元祐之初司馬文正光已嘗乞合三省則是道揆雖一職守仍分至如合二府於一堂列兩省於同局則固不必爲是區別斯亦南渡簡易之制也

散騎常侍

散騎常侍自秦置散騎又置中常侍散騎並乘輿並音步浪

切騎而散從無常職後中常侍得入禁中皆無員漢因之並加官

說在侍中篇散騎有常侍侍郎與侍中黃門侍郎後漢中初

省散騎而中常侍改用宦者魏文帝黃初初置散騎合

於中常侍謂之散騎常侍後用士人始以孟達補之久

次者為祭酒孟達字子度自蜀降魏文帝善散騎常

侍掌規諫不典事貂璫插右騎而散從又有員外者因

曰員外散騎常侍晉太始中令員外散騎常侍二人與

散騎常侍通員直因曰通直散騎常侍亦武冠右貂金

蟬絳朝服佩水蒼玉山公啓事曰郗詵才志器局當為黃散黃散謂黃門侍郎及散騎常

侍又曰散騎常侍闕當取素行者補之遂舉郗詵又阮孚字遙集為散騎常侍嘗以金貂換酒為所司彈糾帝

宥之又曰賈充為常侍後改常侍為侍中未詳其義散騎常侍黃門侍郎共平尚書奏事雖隸門下

而別為一省潘岳云寓直散騎省自魏至晉共平尚書奏事東晉

乃罷之而以中書職入散騎省故散騎亦掌表詔焉元傳

為散騎常侍與皇甫陶俱掌直諫又華嶠字叔駿加散騎常侍班同中書寺為內臺中書散騎著作及理禮音

律天文數術南省文章宋置四人屬集書省齊散騎侍郎

郎通直散騎侍郎員外散騎侍郎並為直書省職而散

騎常侍為東省官其二衛四軍四校為西省官說在將軍總叙篇周盤龍自平北將軍為散

騎常侍武帝戲之曰卿著貂蟬何如散騎常侍通直散

兜鍪對曰此貂蟬從兜鍪中出耳

騎常侍員外散騎常侍舊為顯職與侍中通官其通直員外用衰老人士故其官漸替宋大明中雖革選比侍中而人情久習終不見重尋復如初梁謂之散騎省天監六年詔又革之六年詔曰在昔晉初仰惟盛化常侍侍中並參帷幄員外常侍特為清顯可分門下二局委散騎常侍中並侍帷幄書案奏分曹入集書通直常侍本為顯爵員外之選宜參舊准人數依正自是散騎視中丞通直視侍中員外視黃門郎然而常侍終非華胃所悅常侍亦四人功高者一人為祭酒與侍中功高者一人對掌禁令糾諸逋違陳因梁制後魏北齊皆為集書省掌諷議左右從容獻納領諸散騎常侍侍郎及諫議大夫給事中等官兼以出入王

命位在中書之右

魏高祖謂散騎常侍元景曰卿等自居不修又宋弁為散騎常侍遷右將軍領黃門弁屢讓

高祖曰散騎位在中書之右常侍者黃門之庶兄領軍

侍二衛之假攝不足空其資叙為第三清
進曰臣本官常侍是第三清今授武勇其號至濁

北齊常侍定限八員如金紫

光祿大夫隨諸散騎官並屬門下省凡歷代散騎官有

郎騎常侍漢書有之顏師古曰官為郎而散騎常侍散

騎侍郎魏初與散騎員外散騎常侍
魏末置齊梁用人卑雜又朱異為員

外常侍侍中中領軍中書舍人四職並驅鹵簿近代未

之有也又賀琛字國寶遷員外散騎常侍舊尚書南座

無貂自琛始員外散騎侍郎晉武帝置晉代名家身有國制

通直散騎常侍

按魏末散騎常侍又有在員外者晉太始十年武帝使二人與散騎常侍通員

直故謂之通直散騎常侍齊梁微輕北齊張景仁除通直散騎常侍及奏御筆點除通直字遂為正常侍
 直散騎侍郎初晉武帝置員外散騎侍郎通直散騎侍郎及大興中元帝使一人與散騎侍郎通直故謂之通直散騎侍郎按歷代常侍或有員外者或有通直者故史傳中謂員外散騎侍郎或單謂之員外郎謂通直散騎侍郎或單謂之通直郎其非員外及通直者或謂之正員散騎侍郎或單謂之正員郎唐貞觀二
 年制諸散騎常侍皆為散官從三品後悉省之貞觀十
 七年復置為職事官始以劉洎為之其後定制置四員
 屬門下掌侍從規諫顯慶二年遷二員隸中書遂分為
 左右左屬門下右屬中書左散騎與侍中左貂右散騎與中書令右貂謂之八貂龍朔二年
 改左右散騎常侍為左右侍極咸亨元年復舊
 宋散騎常侍不常置與諫議起居司諫正言皆附兩省

班籍通謂之兩省官

左散騎常侍隸門下省右隸中書省皆掌諫諍虛不除人亦為檢校

石林葉氏曰元豐既新官制四十年間職事官未
 有不經除者惟御史大夫左右散騎常侍至今未
 嘗除人蓋兩官為臺諫之長非宰執所利故無有
 啓之者或云元豐末黃安中為中丞久次神宗欲
 擢為常侍會寢疾不果崇寧中朱聖予為中丞嘗
 請除二官竟不行

按神宗之初行官制也嘗諭輔臣欲取新舊人兩
 用之又曰御史大夫非司馬光不可蔡確進曰國

是方定願少遲之王珪亦助確乃已蓋臺諫之長
上意必欲取負天下重名如溫公者居之尤非小
人之便故遂終不除人也

諫議大夫

秦署諫議大夫掌論議無常員多至數十人屬郎中令

至漢武帝元狩五年始更置之

劉輔以美才擢為諫議大夫成帝欲立趙婕妤

為皇后輔上書諫書奏收輔繫掖庭祕獄又王褒貢禹王吉匡衡何武夏侯勝嚴助等並為之

後漢增

諫大夫為諫議大夫亦無常員二漢並屬光祿勳

韋彪字孟

達上疏曰諫議之職應用公直之士通才謇正有補益於朝者今或從徵試輩為之不宜也自後則無聞矣

後魏亦曰諫議大夫北齊有七人屬集書省後周地官

府有保氏下大夫規諫於天子蓋比其任也隋亦曰諫

議大夫置七人屬門下省煬帝廢之唐武德五年復置

屬門下

王珪為諫議大夫嘗有諫論太宗稱善遂詔每宰相入內平章大計必使諫官隨入與聞政事

龍朔二年改諫議大夫為正諫大夫

武后臨朝垂拱二年六月置匭四區

共為一室列於朝堂東方春色青有能告以養人及勸農可投書於青匭銘之日延恩南方夏色赤有能正諫論時政之得失可投書於丹匭銘之日招諫西方秋色白有能自陳抑屈可投書於素匭銘之日申冤北方冬色元有能謀智者可投書於元匭銘之日通元宜令正諫大夫補闕拾遺等一人充使知匭事每日所有投書至暮即進天寶九載三月改匭為匭

中書

延載元年山人武付方拜正諫大夫平章事

開元以來廢正諫大夫復

以諫議大夫屬門下凡四人掌侍從規諫

至德元年九月制諫議大

夫論事自今以後不須令宰相先知乾元二年四月兩省諫官十日正封事直論得失無假文書冀成殿最用存沮勸大歷七年二月其四員外內供奉不得過正員數貞元四年五月分爲左右各四員其右諫議隸中書省

宋承五代之弊官失其守官職差遣纔以定俸入而不親職諫議大夫司諫正言皆須別降敕許赴諫院供職方爲諫官亦有領他職而不與諫諍其由他官領者帶知諫院以兩省官充掌供奉諫諍凡朝廷闕失大則廷議小則上封明道初陳執中爲諫官屢請置院於是以門下省爲諫院徙舊省於左掖之西司馬光有題名記真宗天禧元年詔兩省置諫官六員不兼職務後復兼職如故

詔曰朕大庇烝民隆興至治彌綸闕失交屬於庶僚寤寐忠規屢頒於明詔雖曾虛佇未協翹思夫惟諫諍之臣迨於風憲之列倘因循而自默則獻納以曷觀况朕躬覽萬機日披封奏詳延百執素靡漏言舉職徇公有何所避保身箝口詎至於斯將戒慢官用申誕告仍加優異以勸傾輸自今兩省置諫官六員御史臺中丞知雜推直外置御史六員並不兼領職務每月添支錢十五貫三年內不得差出其或詔令乖當官曹涉私措置失宜刑賞踰制賦斂繁暴獄犴稽留並令諫官奏論憲臣彈舉每月須一員奏事或有急務亦許非時入對雖言有過當必示曲全若事難顯行卽令留內但不得潛爲朋附故作中傷其諫官仍於諫院或兩省內選擇廳事量置什器候及三年或屢有章疏實能裨益特越常例別與升遷苟或職業無聞公言罔覩移授散秩仍遣監臨載念古賢不忘忠諫雖逢暴怒尚靡諂辭今則冲人渴聞讜論開懷而待好爵斯縻是爲不諱之朝豈有犯顏之慮黜陟之典斷在於必行語默慶歷初詔除諫官毋得用見任輔臣所薦之人元豐寄祿爲大中大夫

始正名左右諫議大夫爲諫垣之長專言責焉左隸門下右隸中書同掌規諫凡朝政闕失大臣至百官任非其人皆得諫正靖康元年詔宰執毋得薦舉臺諫當出親擢立爲定制建炎三年詔諫議大夫不隸兩省別置局於後省之側許與兩省官相見議事以登聞檢鼓院專隸焉又詔臺諫言事官係非時上殿不合在輪對條具之數紹興三年曾統言本朝多以諫議兼記注且聽直前奏事元豐始不任諫列然亦許直前頃者權臣用事言路壅塞詔依元豐舊制

容齋隨筆論諫官與臺官舊不相見事

見御史臺門

紹興間致堂胡氏寄政府書曰古者人臣皆得進諫於其君後世專設一職旣已乖謬居是職者又多以立異爲心撓亂政事人君難於盡從故員多不備難於盡廢故姑設一二人比諸餽羊惟臺官亦然方祖宗時充臺諫之選者皆天下望士或中外踐更已久無所不知故能有補後世乃以新進利口爲之宜其觀望喋喋而莫可遏也然事有隨時官與世建方漢光武唐太宗馬上經營之日與齊小白秦符堅專任一相以成霸業之時未嘗聞有臺諫官喋喋於其旁誠以三軍五兵之運伐人

制勝之謀不可以告人亦非人所能與故也及夫平定之後法制既立則必設置臺臣使糾違犯開通諫諍以補闕失時勢當然耳今宜以給事中兼諫大夫中書舍人兼司諫左右史兼正言政事下省便可救正諫員既廣院額可廢而御史臺只合彈擊官邪與夫壞敗已成憲度者至於政事得失專責大臣與諫者若夫四方訴訟自有州縣監司臺省節次又不得直則有登聞檢鼓兩院存焉憲臺亦非受訟之所也如此則治有體統朝廷增重國勢不搖可以言治

按以立異爲心以利口爲能此諫官之所以使人厭也况處多事之時運籌決勝其機貴密其發貴果尤不宜使好異利口者喋喋其間然欲遂從而廢其官則過矣昔司馬溫公言凡擇言事官當以三事爲先第一不愛富貴次則重惜名節次則曉知治體此乃名言誠使爲諫官皆得如此之人何至如致堂所言哉

起居

起居周官有左右史記其言事蓋今起居之本

動則左史書之

言則右史書之左史記言右史記事

漢武帝有禁中起居後漢馬皇后撰

明帝起居注則漢起居似在宮中爲女史之任又王莽時置柱下五史秩如御史聽事侍傍記其言行此又起居之職自魏至晉起居注則著作掌之其後起居皆近侍之臣錄記也錄其言行與其勲伐歷代有其職而無其官後魏始置其起居令史每行幸宴會則在御左右記錄帝言及宴賓客訓答後又別置修起居注二人以他官領之北齊有起居省後周有外史掌書王言及動作之事以爲國志卽起居之職又有著作二人掌綴國錄則起居注著作之任自此而分也至隋初以吏部散官及校書正字有叙述之才者掌起居之職以納言統

之至煬帝以爲古有內史外史今著作如外史矣宜置起居官以掌其內乃於內史省置起居舍人二員次內

史舍人下

庚自直崔濟祖虞南蔡允恭等皆爲此職

唐貞觀二年省起居舍

人移其職於門下置起居郎二人顯慶中復於中書省

置起居舍人遂與起居郎分掌左右龍朔三年改爲左

右史

郎爲左史舍人爲右史

咸亨元年復舊天授元年又爲左右

史神龍初復舊每皇帝御殿則對立於殿

左郎右舍人矣

有命

則臨陛俯聽退而書之以爲起居注凡冊命啓奏封拜薨免悉載之史館得之以撰述焉

令狐德棻呂才蕭鈞褚遂良上官儀李安

期顧允高智周張大素凌季友等並以起居皆有名之賢者

宋沿唐制起居郎隸門下起居舍人隸中書號小兩省
官皆爲虛名不典本省事而典職者自號修起居注凡
二人多以館閣官兼掌更番侍立於崇政殿又從行幸
以備記錄國初院在皇城外但關敕送史館而不撰集
淳化五年史館修撰張昺上書請依故事復左右史之
職爲起居注乃詔從置院於禁中命起居舍人史館修
撰梁周翰祕書丞直昭文館李宗諤掌起居郎舍人事
通撰注記凡宣徽客省四方館閣門御前忠佐引見司
制置進貢辭謝游幸宴會賜賚恩澤之事五日一報翰
林麻制德音詔書敕榜該沿革制置者門下中書省封

冊告命進奏院四方官吏風俗善惡之奏禮賓院諸蕃
職貢宴勞賜賚之事並十日一報吏部文官除拜選調
沿革兵部武臣除授司封封建考功諡議行狀戶部土
貢旌表州縣廢置刑部法令沿革禮部奏賀祥瑞貢舉
品式祠部祭祀畫日道釋條制太常雅樂沿革禮院禮
儀制撰司天風雲氣候祥異證驗宗正皇屬封建出降
宗廟祭享制度並月終而報鹽鐵金穀增耗度支經費
出納戶部版圖升降咸歲終而報每季撰集以送史館
是歲令審刑院奏覆有所諭旨可垂戒者並錄送院熙
寧初詔諫官兼修注者因後殿侍立許奏事元豐中兼

修注王存乞復起居郎舍人之職使得盡聞明天子德音退而書之神宗亦謂人臣奏對有頗僻讒慝者若左右有史官書之則無所肆其姦矣故事左右雖日侍立而欲奏事必稟中書俟旨存因對及之乃詔雖不兼諫職者亦許直前奏事五年官制行罷修注而郎舍人始專其職四朝志起居郎舍人掌記天子言動御正殿則俟於門廡外便殿則侍立行幸則從大朝會則對立於殿下螭首之側凡朝廷命令赦宥禮樂法度損益因革賞罰勸懲羣臣進對文武臣除授及祭祀燕享臨幸引見之事四時氣候四方符瑞戶口增減州縣廢置皆書以

授著作官六年詔左右史分記言動元祐元年仍詔不分七年詔邇英閣講罷續有留身奏事者許侍立紹聖元年中丞黃履言所奏或干機密難令旁立乃止會要隆

興元年胡銓奏記注之失有四一人主不當觀史國朝

翰以起居注每月進御慶歷中歐陽修乞更二立非其

不進本仁宗從之今望遵仁宗所行之訓地國朝記注之臣立於座後歐陽修謂當人主言動而

書乃立於前修罷復故今乃立於殿之東南隅言動不聞乞復歐陽修之制三前殿不立國朝古制前後殿皆侍立而

立無言動之異欲乞於四奏不直前臣欲直前奏事閣

前後殿皆分日侍立嘗預牒矣又以無班為詞是雖有直前名而無可奏之時矣乞左右史奏事直前不必預牒及有無班次為拘也詔前殿依後殿侍立餘並依舊制淳熙間羅春伯點

自戶部員外郎除右史避曾祖諱以太常少卿兼侍立
修注官其後兩史或闕則降旨以某人權侍立官蓋自
此始元豐寄祿起居舍人為朝散郎

拾遺補闕

補闕拾遺武太后垂拱中置補闕拾遺二官以掌供奉
諷諫天授二年各增置通前為五員三年舉人無賢愚
咸加擢用高者試鳳閣侍郎給事中次或試員外郎侍
御史補闕拾遺校書郎當時頗為濫雜著於謠誦謠曰
連車載拾遺平斗量把自開元以來尤為清選左右補
惟侍御史椀脫校書郎闕各二人內供奉者各一人左右拾遺亦然兩省補闕
拾遺凡十

二左屬門下右屬中書

宋端拱初改左右補闕為左右司諫左右拾遺為左右
正言是時太宗欲令諫官修職故詔改其官後亦有兼
他官不供諫職者真宗天禧初詔兩省置諫官不兼職
用劉燧魯宗道為左右正言元豐肇新官制左右司諫
各一人正七品左右正言各一人從七品同掌規諫諷
諭凡朝廷有關失大事則廷諍小事則論奏分隸兩省
寄祿左右司諫為朝奉郎左右正言為承議郎中興初
詔不隸兩省紹興二年復淳熙十五年兵部侍郎林栗
奏言諫諍之官尚有關員居其位者往往分行御史之

職至於箴規闕失寂無聞焉願依唐制置拾遺補闕左右各一員專掌諫諍不許糾彈從之以許深父薛象先充其職班著在監察御史之上光宗立復省

典儀

典儀二人唐置周禮秋官有司儀上士八人中士十六人蓋此典儀之任齊職儀云東宮殿中將軍屬官有導客局置典儀錄事一人掌朝會之事梁有典儀之職未詳何曹之官掌唱警唱奏之事朱服武冠陳亦有之後魏置典儀監史闕其員及所掌唐初隸門下省初用人皆輕至貞觀李義甫爲之是後常用士人領贊者以知

贊唱之節及殿庭版位之次

城門郎

周禮地官有司門下大夫一人上士四人並城門郎之任初漢置城門校尉員一人掌城門屯兵有司馬及丞各一人十二城門候各一人出從緹騎百二十人

緹徒兮切

蓋兼監門將軍之職魏因之晉制銀章青綬絳朝服武冠佩水蒼玉元帝省之宋齊俱以衛尉掌宮城屯兵及管鑰之事梁陳二代依秦漢以光祿卿等掌宮殿門戶亦無城門之職後魏置城門校尉北齊衛尉寺統城門寺置城門校尉二人掌宮殿城門并諸倉庫管鑰之事

後周地官府置宮門上士一人下士一人掌皇城十二門之禁令蓋並在其任隋氏門下省統城門局校尉二人煬帝大業三年又隸殿中省十二年又減一人後又改校尉為城門郎置四人又隸門下省唐因之

符寶郎

周官有典瑞掌節二官掌瑞節之事

瑞節信也典瑞屬春官掌節屬地官

秦漢有符節令丞領符璽郎

昭帝幼冲霍光秉政殿中夜驚光召求符璽符璽郎

不肯授光奪之郎按劍對曰臣頭可得璽不可得也光壯之增秩二等

文帝二年初與郡

守為銅虎符竹使符之制又皆屬焉

應劭曰銅虎符第一至第五國家當

發兵遣使者至郡合符符合乃聽受之竹使符者以竹箭五枚長五寸鐫刻篆書第一至第五顏師古曰符與

郡守各分其半右則留京師左以與之

後漢有符節令兩梁冠位次御史

中丞別為一臺而符節令一人為臺率掌符節之事屬

少府魏與後漢同晉太始元年省并蘭臺置符節御史

掌其事宋與晉齊蘭臺有主璽令史以治書侍御史領

之梁陳御史臺亦有符節令史後魏御史臺領符節令

符節令領符璽郎中北齊有符節署餘與後魏同

符節令一

人符璽郎中四人

後周有主璽下士掌國璽之藏隋初有符璽

局置監二人屬門下省煬帝改監為郎唐因之長慶三

年改為符寶郎神龍初復為符璽郎開元初復為符寶

郎天寶五載六月勅玉璽既為寶宜為璽

其符節並納

書十載正月改傳國寶為承天大寶

於宮中有行從則請之郎掌諸進符寶出納幡節也

弘文館

唐武德初置修文館後改名弘文館神龍初改爲昭文
二年又却爲修文尋又爲昭文開元七年又詔弘文焉
儀鳳中以館中多圖籍未詳正委學士校理自垂拱以
來多大臣兼領館中有四部書自貞觀初褚亮檢校館
務學士號爲館主因爲故事每令給事中一人判館事
校書二人學生三十人

宋改爲昭文館

以弘犯
宣祖諱

大學士一人以宰相充學士直

學士不常置直館以京朝官充掌經史子集四庫圖籍

修寫校讎之事判官一人以兩省五品以上充

文獻通考卷第五十



